



書首

春秋集註

十九  
七  
七  
一

仁德  
2797  
55-48



仁 18  
2797  
55-4B



春秋四傳卷之十九

宣公一

公名倭。一名接文。公妾敬嬴之子。夫人穆姜在位十八年。諡法

善問周  
達曰宣

周

魯宣公二年匡  
王崩。弟定王立。

鄭

魯宣公三年穆公卒。靈公夷立。  
宣四年靈公弒。弟襄公堅立。

齊

魯宣公十年惠公  
卒。子頃公無野立。

宋

詳見文  
公元年。

晉

趙盾為政。魯宣公二年靈公弒。成公黑臀  
立。宣八年卻缺為政。宣九年成公卒。子景

公孺立。宣十二年荀林父為政。宣十  
六年士會為政。宣十七年卻克為政。

衛 魯宣公九年成公卒。子穆公邀立。

蔡 魯宣公十七年文公卒。子景公固立。

曹 魯宣公十四年文公卒。子宣公廬立。

陳 魯宣公十年靈公弒。子成公午立。

杞 詳見僖公元年。

薛 詳見僖公元年。

莒 詳見文公元年。

邾 詳見文公元年。

許 魯宣公十七年昭公卒。靈公立。

小邾 詳見僖公元年。

楚 魯宣公十一年盟辰陵。計陳。春秋始予楚莊王以伯。宣十一年楚孫叔敖為令尹。宣十二年敗晉于邲。宣十八年莊王卒。共王立。

秦 魯宣公四年共公卒。桓公立。

吳 詳見隱公元年。

越 詳見隱公元年。

元 年 晉靈十三年。齊惠公元元。衛成二十七年。蔡文四年。鄭穆二十年。曹文十年。陳靈六年。杞桓二十九年。宋文三年。秦共公栢元年。楚莊六年。

春王正月公即位。公羊傳繼弒君不言即位。此其言即位何其意也。穀

殺君者謂公子遂

○文公去年二月薨  
至此蓋未期年

○接宜公名也

○五子勝文公篇有

○自虘至勝定公薨時蓋百四十餘年

三年之喪自虘廢也

梁傳繼故而言即  
位與聞乎故也

**胡傳** 宣公為弒君者所立受之而不討賊  
是亦聞平弒也故如其意焉而書即  
位以著其自立之罪而不嫌於同辭美一  
也有小大則褒詞異惡一也有小大則貶  
詞異一美一  
惡無嫌於同

公子遂如齊迎女左傳尊君命也

**胡傳** 魯秉周禮喪未暮年遣卿迎女何亟  
乎太子赤齊出也仲遂殺子赤及其  
母弟而立宣公懼於見討故結魯于齊為  
自安計越典禮以逆之如此其亟而不顧  
者必敬嬴仲遂請齊立接之始謀也其後  
勝文公定為三年喪父兄百言皆不欲曰  
吾宗國魯先君莫之行也喪紀寢廢夫豈  
一朝一夕之故自文宣莫之行矣此所謂

不待貶絕而  
罪惡見者也

三月遂以夫人婦姜至自齊

左傳尊夫人也  
公羊傳遂何以

不稱公子一事而再見者卒名也夫人何以  
不稱姜氏貶曷為貶譏喪娶也喪娶者公也  
則曷為貶夫人內無貶于公之道也內無貶  
于公之道則曷為貶夫人夫夫人與公一體也  
其稱婦何有姑之辭也穀梁傳其不言以喪  
未畢故略之也其曰婦緣姑言之之辭也遂  
之繫由上  
致之也

**胡傳**

有不待貶絕而罪惡見者不貶絕以  
見惡夫人與有罪焉則待貶而後見  
故不稱氏夫人其如何知惡無禮如野有  
死麋能以禮自防如草蟲愆期有待如歸  
妹之九四則可免矣凡稱婦者其詞雖同  
立義則異逆婦姜于齊病文公也以婦姜

○野有死麋詩召南  
國風篇名小序曰惡  
無禮也  
○草蟲同小序曰夫  
人能自防也  
○周易歸妹九四爻  
辭云歸妹愆期遲歸  
有時象曰愆期之志  
有待而行也  
○成風莊公妾借公  
立為夫人是母以子  
貴也今敬嬴亦文公  
妾宜公立亦以敬嬴  
為夫人事同於僖公  
成風嫡妾之分亂由

來尚矣

○文公雖葬未卒哭  
宣公正，在斬衰之中

至自齊，青敬嬴也。敬嬴，嬖妾，私事襄仲，以其子屬之。殺世適兄弟，出主君夫人，援成風故事，即以子貴為國君，毋斬焉。在衰服之中，請昏納婦，而其罪隱而未見也。故因夫人至，特稱婦妻，以顯之。此乃春秋推見至隱，著妾毋當國用事，為後世鑒者也。察其指，為有姑之詞，而不察其旨，則精義隱矣。

### 夏季孫行父如齊

左傳季文子如齊納賂以請會

**胡傳**

經書行父如齊，而不言其故，謂納賂。此事以觀斯得矣。書公會齊侯于平州，則知此會行父請之也。又書齊侯取濟西田，則知其請蓋以賂也。雖微傳其事著矣。諸侯立卿，為公室輔，猶屋之有楹也。而謀國如此，亦不待貶絕而惡自見者也。不恭以行父之勤勞恭儉，相三君而無私積，必

○以齊西田賂齊而  
請會也

○三君謂宣成襄也

○晏嬰齊大夫孟子  
曰晏子以其君顯謂  
相齊景公以顯名也

○論語稱季文子三思而後行，子曰再斯可矣。朱子曰：文子慮事如此，可謂詳審而宜。無過舉矣。而宣公暴立，文子乃不能託及為之，使齊而納賂焉，所謂私意起而反惑矣。

能以其君顯名  
與晏嬰等矣

### 晉放其大夫胥甲于衛

左傳晉人討不用命者放胥甲于衛

衛而立，胥克先卒奔齊。公羊傳放之者何，猶白無去，是云爾。然則何言爾近正也。此其為近正奈何古者大夫已去，三年待放，君放之，非也。大夫待放，正也。古者臣有大喪，則君三年不呼其門，已練可以弁冕，服金革之事，君使之，非也。臣行乞禮也。閔子要絰而服事，既而曰：若此乎古之道不即人心退而致仕，孔子蓋善之也。穀梁傳放猶屏也，稱國以放，放也。無罪也。

**胡傳**

放猶羈置毋去其所。比於專殺者，其罪薄乎。云爾或以為近正非矣。大夫當官既不請於天子而自命以為有罪，又不告於司寇而擅刑，猶不遠於正乎。秦晉

○集解云意與舜放  
雖先之放同  
○即秦立之命曰無  
辜殺大夫無有封而  
不告

○東駟晉上軍佐  
○趙穿趙盾族人

○桃園之罪弒晉靈  
公之事見下二年

○平州齊地

○林氏曰篡位者諸  
侯與之會則不得復  
討臣子殺之與弒君  
同故公會于平州以  
定位

○集解云不能為有  
無者言叔孫得臣聽  
仲遂所為無相可不  
焉能為有焉能為無  
不足為輕重  
○或內交官禁以固  
其寵如唐玄宗委政  
於李林甫是也  
○或外結蕃鎮以為  
之援如盧攜崔胤崔  
昭緯之類事見隱公  
元年

戰于河曲。撓吏駟之謀者趙盾也。若討其  
不用命。則當以穿為首。止治軍門之呼。借  
敗可也。而獨放晉甲父。則以趙盾當國。穿  
其族子。而盾庇之也。桃園之罪。其志固形  
於此矣。故稱國以放。見晉政之  
在私門。而成上侵。為後戒也。

公會齊侯于平州左傳會于平州以定公位

**胡傳**按左氏曰會于平州以定公位魯宣  
篡立踰年舉國臣子既從之矣若之  
何位猶未定而有待於平州之會也春秋  
以來弒君篡國者已列於諸侯則不復致  
討故曹人以此請負芻于晉夫篡弒之賊  
毀滅天理無所容於天地之間身無存沒  
時無古今其罪不得赦也以列於會而不  
復討是率中國為戎夷棄人類為禽獸此  
仲尼所為懼春秋所以作也然欲定其位  
者魯宜宜稱及齊而曰會者討賊之法也

凡討亂臣賊子必深絕  
其黨而後為惡者孤也

公子遂如齊左傳東門襄仲如齊拜成

**胡傳**請于齊遂為上客而並書介使者罪  
叔孫得臣不能為有無亦從之也大夫有  
以死爭者矣然削而不書者以叔仲惠伯  
死非君命失其所也遂及行父則一再見  
于經矣如齊拜成雖削之可也又再書于  
策者於以著其始終成就弒立之謀以戒  
後世人臣或內交官禁以固其寵或外結  
蕃鎮以為之援至於殺生廢置皆出其手  
而人主不悟者其慮深矣凡此皆直書于  
策而義自見者也

六月齊人取濟西田左傳齊人取濟西之田為立公故以賂齊也公

○陳哲云齊惠公小人也為賂而棄其甥與姊妹豈非小人之所為哉

○著其受會賂之罪

○齊自桓公至此凡五世

羊傳外取邑不書此何以書所以賂齊也曷為賂齊為弒子赤之賂也穀梁傳內不言取言取授之也以是為賂齊也

**胡傳** 魯人致賂以免討而書齊人取田者為惡而助之者所以孤其黨夫齊魯鄰國盟主之餘業也子惡弒出姜歸而宣公立不能聲罪致討務寧魯亂首與之會是利其為惡而助之也弒君篡國人道所不容而貨賂公行免於諸侯之討則中國昏為戎夷人類滅為禽獸其禍乃自不知以義為利而以利之可以為利而為之也孟子為梁王極言利國者必至於弒奪而後壓蓋得經書取田之意舉法如此然後人知保義棄利亂臣賊子孤立無從而亂少彈矣

○林氏曰侵蔡遂伐楚以見齊伯侵陳遂侵宋以見楚伯

○宋人弒君在文公十六年

○蔡氏曰於是楚始

秋邾子來朝○楚子鄭人侵陳遂侵宋左傳宋人及晉平宋文公受盟于晉又會諸侯于扈莊為魯討齊皆取賂而還鄭穆公曰晉不足與也遂受盟于楚陳共公之卒楚人不禮焉陳靈公受盟于晉楚子侵陳遂侵宋穀梁傳遂繼事也

**胡傳** 楚書爵而人鄭者貶之也鄭伯本以罪晉為不足與也遂受盟于楚今乃附楚以亟病中國何義乎書侵陳遂侵宋者以見潛師掠境肆為侵暴非能聲宋罪而討之也既正此師為不義然後中國之師既舉矣

晉趙盾帥師救陳左傳晉趙盾帥師救陳宋穀梁傳善救陳也

○孟子公孫丑篇云民之悅之如解倒懸朱子曰倒懸喻困苦也

○書曰有夏昏德民擊塗炭蔡氏曰塗炭暴虐之意

○俱在文公十七年

○林氏曰此趙盾也大夫而用諸侯之師於是始其曰會晉師則不以大夫用諸侯之師也

○集解云以上趙盾帥師此言晉師故知其會趙盾也

○范氏曰大其衛中國攘夷狄

○桓十五年公會宋衛陳于袤伐鄭是其義也

○范泰曰夫救災恤患其道宜速而左云會于裴林然後伐鄭狀似伐鄭有疑須會乃定曰非也欲美趙盾之功故詳錄其會地

○林氏曰自伐書陽處父入書卻缺侵書趙穿而後凡後書大夫

**胡傳**

鄭在王畿之內而附蠻夷陳先代帝禦之者也晉能救陳則存諸夏攘夷狄之師故特褒而書救凡書救者未有不善之也如解倒懸如拯民於塗炭之中知此義則知春秋用兵之意矣傳稱師救陳宋經不書宋此非闕文乃聖人削之也前方以不能討宋上卿貶而稱人諸侯會而不序今若書救宋則典刑紊矣

宋公陳侯衛侯曹伯會晉師于裴林伐鄭作公

裴林左傳會于裴林以伐鄭也楚蔣賈救鄭遇于北林囚晉解揚晉人乃還公羊傳此晉趙盾之師也曷為不言趙盾之師君不會大夫之辭也穀梁傳列數諸侯而會晉趙盾大夫之事也其曰師何也以其大夫之也于裴林地而後伐鄭疑難也此其地何則著其美也

也

**胡傳**

列數諸侯而會晉趙盾穀梁子以為大趙盾之事以其大之也故曰師此說非也春秋立法君為重而大夫與師其體敵列數諸侯於帥師之下而又書大夫之名氏則臣疑於君而不可以為訓其曰會晉師此乃謹禮於微之意也其立義精矣裴林鄭地也前者地而後伐以為疑詞此其地則以著其美者一美一惡無嫌於同

冬晉趙穿帥師侵崇

崇公作柳侵書趙穿而後凡後書大夫左傳晉欲求成於秦趙穿曰我侵崇秦急崇必救之吾以求成焉冬趙穿侵崇秦弗與成公羊傳柳者何天子之邑也曷為不繫乎周不與伐天子也



○伐楚以救江在文公三年

○集解云當國者趙有而察者有之族子蓋亦有以繼之矣何義正之有

○文公十七年會于扈是也  
○孟子曰以齊伐燕為以燕伐燕言齊無道與燕無異也

○左傳昭公四年云楚靈王執齊慶封將以殉於諸侯椒舉曰無殺者可以戮人言無罪之可指者乃可以治人也晉欲伐鄭而令宋人巳則有殺矣何以能聲鄭伯罪而伐之乎

**胡傳** 崇在西土秦所與也晉欲求成于秦已甚此諸伐楚以救江異矣而傳謂設此謀者趙穿也意者趙穿已有逆心欲得兵權托於伐國以用其衆乎不然何謀之迂而當國者亦不裁正而從之也穿之名姓自登史策弒君于桃園而上卿以志同受惡其端又見於此書侵以見所以求成者非其道矣

晉人宋人伐鄭 左傳晉人伐鄭以報北林之驟諫而不入故不競於楚

**胡傳** 宋人弒君既列於會春秋衰世已固在法所不赦也而晉人與之合兵伐鄭是謂以燕伐燕庸愈乎其書晉人宋人其

將甲師少蓋賤而人之也以其書伐者若曰聲罪致討而已有瑕則何以伐人矣  
**甲** 匡王六年 晉靈十四弒齊惠二衛成二年崩 蔡文五鄭穆二十一 晉文十一 陳靈七 杞桓三十 宋文四 秦共二 楚莊七

春王二月壬子宋華元帥師及鄭公子歸生帥師戰于太棘宋師敗績獲宋華元 戰皆書大夫帥

師自此始 左傳春鄭公子歸生受命于楚伐宋宋華元樂呂御之二月壬子戰于太棘宋師敗績因華元獲樂呂及甲車四百六十乘俘二百五十人戰百人狂狡輅鄭人鄭人入于井倒戟而出之獲狂狡君子曰失禮違命宜其為禽也戎昭果毅以聽之謂禮殺藏為果致果為殺易之戮也將戰華元殺羊斟其御羊斟不與及戰曰曠昔之羊子為政

○林氏曰大夫主戰於是始於是凡戰盡大夫

今日之事我為政與入鄭師故敗君子謂羊  
斟非人也以其私憾敗國殄民於是刑執大  
焉詩所謂人之無良者其羊斟之謂乎殘民  
以逞宋人以兵車百乘文馬百駟以贖華元  
于鄭半入華元逃歸立于門外告而入見叔  
牂曰子之馬然也對曰非馬也其人也既合  
而奔奔宋城華元為植巡城者譏曰睥其  
目睥其腹棄甲而復于思棄甲復來使  
其驂乘謂之曰牛則有皮犀兕尚多棄甲則  
那役人曰從其有皮冊漆若何華元曰去之  
夫其口衆我寡穀梁傳獲者不與之辭也言  
盡其衆以救其將也以三軍敵華元華元雖  
獲不病矣

○孫子曰將者人之司命國家安危之主也

**胡傳** 兩軍接刃主將見獲其負明矣又書  
師敗績詞不贅乎此明大夫雖貴與  
卑稱師不稱將將尊師衆並書于策者

○傳曰得象則得國

○書曰民惟邦本本固邦寧

○至於師散而高克  
奔陳是不恤其師也  
見閔公二年

○楚以六卒實從得  
臣在僖公二十八年  
○城濮之敗楚殺得  
臣

○去年晉趙穿帥師  
侵崇故至此秦伐晉  
以報崇後焦晉邑也

○縱穿之得兵權而  
成其上侵之意

人君不可輕役大衆又重將帥之選其義  
深矣或曰元帥三軍之司命而輕重若是  
班乎自行行師而言則以元帥為司命自有  
國而言則以得衆為邦本鄭使高克將兵  
禦狄于境欲遠克也而不恤其師楚以六  
卒實從得臣恐喪師也而不恤其將故經  
以棄師罪鄭以殺其大夫責楚明此  
義然後知王者之道輕重之權衡矣

**秦師伐晉** 左傳秦師伐晉以  
報崇也遂圍焦

**胡傳** 按左氏以報崇也遂圍焦晉用大師  
於崇乃趙穿私意而無名也故書侵  
秦人為是興師而報晉則問其無名之罪  
也故書伐世豈有欲求成於強國而侵其  
所與可以得成者乎穿之情見矣宣子當  
國無遺策獨憐於此哉其從之也而盾  
之情亦見矣春秋書事筆削因革必有以  
也一侵一伐而不書圍焦所以誅晉卿上

○集解云蓋為宋而  
侵鄭以報其獲宋華  
元之悉為也

○宋有弑君之罪中  
國諸侯受賂而不致  
討而楚伐之故曰有  
詞于宋是也

○程子曰凡作事必  
謀其始絕訟端於事  
之始則訟無由生矣  
謀始之義廣矣

○林氏曰靈公弑成  
公黑臀立靈公不君  
而稱臣以弑者以示  
夏史之法深責執政  
之臣

侵之意其所  
由來者漸矣

夏晉人宋人衛人陳人侵鄭左傳夏晉趙盾  
救焦遂自陰地  
及諸侯之師侵鄭以報大棘之役楚鬬椒救  
鄭曰能欲諸侯而惡其難乎遂次于鄭以待  
晉師趙盾曰彼宗楚于楚殆將斃矣姑益其  
疾乃去之

**胡傳**

按左氏晉趙盾及諸侯之師侵鄭以  
報大棘之役初鄭歸生受命于楚以  
伐宋經不書伐而以宋華元主大棘之戰  
者蓋楚人有詞于宋矣師之老壯在曲直  
晉主夏盟盾盾既當國合諸侯之師何畏乎  
楚何避乎鬬椒然力非不足而去之者以  
理曲也故卿不氏而稱人師書侵而不言  
伐易於訟卦之象曰君子作事謀始始而  
不謀將至於興師動衆有不能定者矣晉

惟取賂釋宋而不討至以中國之大不能  
服鄭不競於楚可不慎乎春秋行事必正  
其本為未流之若  
此也其垂戒明矣

秋九月乙丑晉趙盾弑其君夷臯

臯公作得  
左傳晉靈

公不君厚斂以彫牆從臺上彈人而觀其辟  
死也宰夫胹熊蹯不熟殺之寘諸畚使婦人  
載以過朝趙盾士季見其手問其故而患之  
將諫士季曰諫而不入則莫之繼也會請先  
不入則子繼之三進及溜而後視之曰吾知  
所過矣將改之稽首而對曰人誰無過過而  
能改善其大焉詩曰靡不有初鮮克有終夫  
如是則能補過者鮮矣君能有終則社稷之  
固也豈唯羣臣賴之又曰衮職有闕在仲山  
甫補之能補過也君能補過衮不廢矣猶不  
改宣子驟諫公患之使鉅麇賊之晨往寢門  
闕矣盛服將朝尚早坐而假寐麇退嘆而言

○杜氏曰越境則君臣之義絕可以不討

○林氏曰越境乃免則氣在出奔之後可免弑君之名非謂越境而反可不討賊而得免弑君之名也

○集解云不復讎而恐不釋君父之讎不與共戴天趙盾出不越境而乃與弑君之賊共國而不致討其罪不待辨而明矣

○董亦晉史官名

○春秋之法誅意為

曰不忘恭敬民之主也。賊民之主不忠棄君之命不信有。於此不如死也。觸槐而死。九月晉侯飲趙盾酒。伏甲將攻之。其右提彌明知之。趨登曰。臣侍君宴過三爵非禮也。遂扶以下。公喉夫。莫明搏而殺之。盾曰。棄人用大雖猛。何為。闕且出。提彌明死之初。宣子田於首山。舍于翳桑。見靈輒餓。問其病。曰。不食三日矣。食之舍其半。問之曰。宦三年矣。未知母之存否。今近焉。請以遺之。使盡之而為之。簞食。與肉。實諸囊。以與之。既而與為公介。倒載以禦。公徒而免之。問何故。對曰。翳桑之餓人也。問其名。居不告而退。遂自亡也。乙丑。趙穿攻靈公於桃園。宣子未出山而復。太史書曰。趙盾弑其君。以不討賊。非子而誰。曰子為正卿。亡不越竟。反不討賊。非子而誰。宣子曰。嗚呼。我之懷矣。自貽伊戚。其我之謂矣。孔子曰。董狐。古之良史也。書法不隱。趙盾。古之良大夫也。為法受惡。惜也。越竟乃免。

宣子使趙穿逆公子黑臀于周而立之。壬申。朝于武宮。穀梁傳。穿弑也。盾不弑而曰盾弑。何也。以罪盾也。其以罪盾何也。曰靈公朝諸大夫而暴彈之。觀其辟丸也。趙盾入諫。不聽。出亡。至於郊。趙穿弑公。而後反。趙盾史狐書。賊曰。趙盾弑公。盾曰。天乎。天乎。予無罪。孰為盾而忍弑其君者。史狐曰。子為正卿。入諫不聽。出亡不遠。君弑。反不討賊。則志同志同。則書重。非子而誰。故書之。曰晉趙盾弑其君夷臯者。過在下也。曰於盾也。見忠臣之至於許世子止。見。

**胡傳** 趙穿手弑其君。董狐歸獄於盾。其斷盾之獄詞曰。子為正卿。亡不越竟。反不討賊。以是書斷而盾也。受其罪而不討。辭仲尼因其法而不之革。其義云何。曰。正卿當國任事之臣也。國事莫酷於君見弑。不於其身而誰責乎。亡而越境。謂去國而

○集解云開欄也樂止之意○將字漸字皆是亂臣賊子之萌藥所以春秋禁亂賊之由必先寒於將漸而護之也

○三國志魏高貴卿公紀有之

○史大事在唐書昭宗紀

○鄧扈樂事見公羊傳

○林氏曰匡王崩象定王立

不還也。然後君臣之義絕。反而討賊。謂復讎而不釋也。然後臣子之事終。不然。是盾為出。而實聞乎故也。假令不與聞者。而縱賊不討。是有今將之心。而意欲穿之。成平弒矣。惡莫慘乎意。今以此罪盾。乃開臣子之邪心。而謹其漸也。盾雖欲辭。而不受。平以高貴鄉公之事。觀焉。抽戈者。成濟唱謀者。賈允。而當國者。司馬昭也。為天吏者。將原司馬昭之心。而誅之乎。亦將致辟。成濟而足也。故陳泰曰。惟軌賈允。可以少謝天下耳。昭問其次。意在濟也。泰欲進此直指昭也。然則趙穿弒君。而盾為首惡。春秋之大義明矣。微夫子推見。至隱垂法。後世亂臣賊子。皆以詭計獲免。而至愚無知。如史大鄧扈樂之徒。皆蒙歸獄。而受戮焉。君臣父子。不相夷。以至於禽獸也。幾希。故曰春秋成。而亂臣賊子懼。

**附錄**

左傳初驪姬之亂。無畜羣公子。自適子而為之田。以為公族。又宦其餘子。亦為餘子。其庶子。為公行。管於是有公族餘子。公行。趙盾請以括為公族。曰。君姬氏之愛子也。微君姬氏。則臣狄人也。公許之。冬。趙盾為旄車之族。使屏季以其故族為公族大夫。

**冬十月乙亥天王崩**

**卯乙**定王三年。晉成公黑臀元年。齊惠三。衛成元。年。二十九。蔡文六。鄭穆二十二。卒。

曹文十二。陳靈八。杞桓三十。宋文五。秦共三。楚莊八。

**春王正月郊牛之口傷。改卜。牛死。乃不郊。**

公羊傳其言之何緩也。曷為不復卜。養牲。養牲。卜。帝牲。不吉。則板。稷牲。而卜之。帝牲。在于

天子七月而葬至  
正始四月故知其未  
葬也

○王事謂喪天子○  
天事謂郊上帝

○漢文帝以日易月  
前漢書文帝紀有此  
事也

祿三月於稷者唯具是視郊則曷為必祭稷  
王者必以其祖配王者則曷為必以其祖王  
自內出者無匹不行自外至者無主不止穀  
梁傳之口緩辭也傷自牛作也改卜牛牛死  
乃不郊事之變也乃  
者亡乎人之辭也

**胡傳** 乃不郊為牛之口傷改卜牛而牛又  
死也不然郊矣禮為天王服斬衰周  
人告喪于魯史策已書而未葬也祀帝于  
郊夫豈其時而或謂不以王事廢天事禮  
乎春秋已來喪紀浸廢有不奔王喪而遠  
適他國有不脩弔禮而自相聘問固將以  
是為可舉而不廢也卒至漢文以日易月  
後世不能復其所由來漸矣春秋備書其  
義自見

**猶三望** 左傳不郊而望皆非禮也望  
郊之屬也不郊亦無望可也

○在禮法不郊而望皆非禮也望郊之屬也不郊亦無望也

○見禮公二十七年猶三望云

○論語八佾篇季氏旅於泰山云

川季氏祭之僭也冉  
求時為季氏宰故謂  
教其陷於僭竊之罪

**胡傳** 三望者公羊曰祭泰山河海夫天子  
有天下凡宇宙之內名山太川皆其  
所主也故得祭天而有方望無所不通諸  
侯有一國則境外之山川他人所主者而  
可以望乎季氏旅於泰山冉求不能救而  
夫子責之者為泰山魯侯所主也大夫何  
與焉季氏不得祭亦明矣猶  
內其不得祭亦明矣猶  
者而已不當為之詞

**葬匡王**

○襄解云散者名姓  
不詳於史策全書葬  
匡王而不書某人如  
京師則其為微者往  
而其意慢不臣亦因  
河況矣

**胡傳** 四月而葬王室不君其禮略也微者  
往會魯侯不臣其情慢也或曰宣公  
親之者也而常事不書非矣崩葬始終之  
大變豈以是為  
常事而不書也

**附錄** 左傳晉侯伐鄭及盟  
鄭及晉平士會入盟

○洛地名也

○集解云雖為楚伐陸渾戎而書蓋亦并楚以立義學者不可易而不察也

楚子伐陸渾之戎渾戶門反公作賁渾戎后陸渾之戎遂至於雒觀兵於周疆定王使王孫滿勞楚子問鼎之大小輕重焉對曰在德不在鼎昔夏之方有德也遠方圖物貢金九牧鑄鼎象物百物而為之備使民知神姦故民入川澤山林不逢不若螭魅罔兩莫能逢之用能斲于上下以承天休桀有昏德鼎遷于商載祀六百商紂暴虐鼎遷于周德之休明雖小重也其姦回昏亂雖大輕也天相明德有所底止成王定鼎于郊鄆上世三十一年七百天所命也周德雖衰天命未改鼎之輕重殊可問也

**胡傳**夷狄相攻不志此其志何也為陸渾也楚又至洛觀兵于周疆問鼎之大小輕重焉故特書于策以謹華夷之辨禁猾夏

○左傳云晉侯伐鄭及鄭鄭及晉平士會入盟

○即蠻夷背中國則非義

○借竊偽邦楚也言其借王號

○林氏曰赤狄始見經先儒謂唐叔子孫別在狄者

之階

夏楚人侵鄭左傳鄭即晉故也

**胡傳**按左氏晉侯伐鄭鄭及晉平而經不取賂釋賊為不足與似也而往從楚非矣今晉成公初立背借竊偽邦而歸諸夏則是反之正也春秋大改過許遷善書楚人侵鄭者與鄭伯之能反正也故獨著楚人侵掠諸夏之罪爾鄭既見侵於楚則及晉平可知矣

秋赤狄侵齊赤狄始 ○宋師圍曹左傳宋文公即位二年 年殺弟須及昭公子武氏之謀也使戴桓之族攻武氏于司馬子伯之館盡逐武穆之族武穆之族以曹師伐宋秋宋師圍曹報武氏之亂也

○集解云緣此師以懷私復怨故聖人削而去之苟移其名以討其殺奪之罪則聖人必與之矣以非討罪而不書聖人之情見矣

○林氏曰穆公卒靈公夷立

**胡傳** 按左氏宋文公即位盡逐武穆之族二族以曹師伐宋然不書于經者一也族以見逐而舉兵非討罪也及宋師圍曹報武氏之亂而經書之者端本清源之意也武穆二族與曹之師奚為至於宋哉不能反躬自治恃眾強以報之兵革何時而息也宋惟有不赦之罪莫之治也故書法如此

冬十月丙戌鄭伯蘭卒 左傳冬鄭穆公卒初鄭文公有賤妾曰燕

姑夢天使與已蘭曰余為伯條余而祖也以其為而子以蘭有國吾人服媚之如是既而文公見之與之蘭而御之辭曰妾不有辛而有子將不信敢徵蘭乎公曰諾生穆公名之曰蘭文公報鄭子之妃曰陳媯生子華子臧子臧得罪而出誘子華而殺之南里使盜殺子臧于陳宋之間又娶于江生公子士朝于楚楚人醜之及葉而死又娶于蘇生子瑕子

俞彌俞彌早卒洩駕惡環文公亦惡之故不立也公逐羣公子公子蘭奔晉從晉文公伐鄭石癸曰吾聞姬媯耦其子孫必蕃媯吉人也后稷之元妃也今公子蘭媯嬖也天或啓之必將為君其後必蕃先納之可以寵與孔將鉏侯宣多納之盟于大官而立之以與晉平穆公有疾曰蘭死吾其葬鄭穆公穆公死乎吾所以生也蘭而卒葬鄭穆公 **丙** 定王四年 晉成二齊惠四衛成三十蔡文 **辰** 二年 七鄭靈公夷元年弒曹文十三 陳靈九杞桓三十二宋文六秦共四卒楚莊九

春王正月公及齊侯平莒及邾莒人不肯公伐莒取向 左傳非禮也平國以禮不以亂伐無治何以行禮公羊傳此平莒也其言不肯何辭取向也穀梁傳及者內為志焉爾平者

○氏曰向莒邑東海平莒莒二國相惡故公與齊侯共平之



成也。不肯者可以肯也。伐猶可取，向其矣。昔人辭不受治也。伐首義兵也。取向非也。乘義而為利也。

**胡傳**

心不偏黨之謂平。以此心平於物者，物必順。以此心平於怨者，怨必釋。惟小人不能宅心之若是也。雖以勢力強之，而有不獲成者矣。夫以齊魯大國乎，邾莒小邦，宜其降心聽命，不待文告之及也。然而莒人不肯，則以宣公心有私係失乎怨之本耳。故書取以著其罪，及所欲也。乎者成也。取者盜也。不肯者心弗允從，莫能強之者也。以利心圖成，雖強大不能行之於弱小。春秋書此戒後世之不知治其本者，故行有不得者反求諸己，斯可矣。

秦伯稻卒。夏六月乙酉，鄭公子歸生弑其

○林氏曰：共公卒，桓公立。

○孟子萬章篇云：非其而取之者，盜也。

○離婁篇云：孟子曰：行有不得者，皆反求諸己，其身正而天下歸之。況邾莒二國哉。

○林氏曰：靈公弑，弟義公立。

○子公即公子宋，子家即歸生。

○集解是時二子仕於季氏，故子然以二子為調從之者，意其

**君夷**

左傳：楚人獻鼈於鄭靈公。公子宋與子家將見，子公之食指動，以示子家曰：「他日我如此，必嘗異味。」及入，宰夫將解鼈，相視而笑。公問之，子家以告，及食，大夫鼈，召子公而弗與也。子公怒，祭指於鼎，嘗之而出。公怒，欲殺之。子公曰：「公與子家謀先子家，曰：『畜老，猶憚殺之。』而况君乎？」反諸子家。子家懼而從之。夏弑靈公。書曰：「鄭公子歸生弑其君夷。」稱不君也。君子曰：「仁而不武，無能達也。凡弑君，稱曰：『君無道也。』稱臣，臣之罪也。鄭人立子良，辭曰：『以賢則去，疾不足，以順則公。』子堅長及立，襄公襄公將去，穆氏而舍于良，子良不可，曰：『穆氏宜存，則固願也。』若將亡之，則亦皆亡去，疾何為舍之皆為大夫。」

**胡傳**

首謀弑逆者，公子宋也。懼謫而從之，亂臣賊子欲動其惡而不從者，未有能全其身而不死也。故季子然問仲由冉求其

春秋左傳卷之九

十一

可從從也。既為也。朱子曰：子君臣之義，聞之熱矣。弑逆大故，心不從之，蓋以許之，子以死難，不可奪之節。

○登時猶即時也。○司馬亮沈慶之事，晉書惠帝紀及南史沈慶之傳有此事。夫以篡弑謀於齊，而父國即公子遂叔，豈得臣如齊之事是也。

○高固齊大夫事見。○陳哲云：義者天理之節，宜以天理之所宜者，交際則於聘問往來之際，各有所當。然若則不必於數離，民上輕棄社稷而隣國雖大亦必不以妄有所加矣。以是求安，豈有不安者乎。

從之者數。子曰：弑父與君，亦不從也。是以死節許一子矣。歸生懼諾而從，公于宋特無求路，不可奪之死節耳。書為首惡，不亦過乎。曰：歸生與宋並為大夫，乃貴戚之卿，同執國政，可以不從一也。嘗統大帥與宋戰，獲其元帥，已得兵權，可以不從二也。聞宋逆謀，登時而覺，先事誅之，猶反手耳。夫據殺生之柄，仗大義以制人，使人聽已，猶大羊之伏於虎也。何畏於人懼其見殺而從之也哉。計不出此，顧以畜老懼殺比於君父歸生之心悖矣。故春秋捨公子宋而慶之等，苟知此義，則能討罪，人不至於失身為賊所制矣。

### 赤狄侵齊 ○秋公如齊公至自齊

**胡傳** 君行告至常事，不書。宣公比年如齊，而皆致者危之也。夫以篡弑謀於齊

○以甲兵事齊而求安，即今年如齊至五年九年十年兩如齊是也。

而取國以土地賂齊而請會，以甲兵事齊而求安。上不知有天王，下不知有方伯，惟利交是奉，而可保乎。高固之事亦殆矣。故比年如齊而皆致，以戒後世之欲利有彼往者，惟義之與比，為可安耳。

### 附錄

左傳初楚司馬子良生子越椒，子文之聲弗殺，必滅若敖氏矣。諺曰：狼子野心，是乃狼也。其可畜乎。子良不唯子文以為大感，及將死，聚其族曰：椒也，知政，乃速行矣。無及於難。且泣曰：鬼猶求食，若敖氏之鬼，不其餒而及乎。子文卒，鬬穀為令尹，子越為司馬，焉賈為正。諸子揚而殺之。子越為令尹，紀為司馬，子越又惡之，乃以若敖氏之族圍伯贏於轅陽而殺之。遂處承野將攻王。王以三王之子為質焉。弗受。師于漳。遂秋七月戊戌，楚子與若敖氏戰。

干臯許伯焚射王汰輶及鼓附著於丁寧  
必射汰輶以貫笠載師懼退王使巡師曰  
吾先君文王克息獲三矢焉伯焚竊其二  
盡於是矣鼓而進之遂滅若敖氏初若敖  
娶於邲生鬬伯比若敖卒從其母鬬於邲  
淫於邲子之女生子文焉邲夫人使棄諸  
夢中虎乳之邲子田見之懼而歸夫人以  
告遂使收之楚人謂乳謂謂虎於菟故命  
之曰鬬穀於菟以其女妻伯比實為令尹  
子文其孫箴尹克黃使於齊還及宋聞亂  
其人曰不可入矣箴尹曰棄君之命獨  
誰受之君天也天可逃乎遂歸復命而自  
拘於司敗王思子文之治楚國也曰子  
文無後何以勸善使復其所改命曰生

冬楚子伐鄭

左傳鄭  
利服也

定王五年

晉成三齊惠五衛成二十一年蔡  
文八鄭襄公堅元年曹文十四

陳靈十杞桓三十三年宋文  
七年秦桓公榮元年楚莊十

春公如齊

左傳公如齊高固使  
夏公至自齊

左傳書

○秋九月齊高固來逆子叔姬  
左無

左傳齊高固來逆女自為也故書曰逆叔姬  
即自逆也殿梁傳諸侯之嫁子於人夫主太  
夫以與之來者接內也不正  
其接內故不與夫婦之稱也

胡傳

按左氏公如齊高固使齊侯止公請  
叔姬焉書夏公至自齊秋齊高固來

逆子叔姬罪宣公也其曰來者以公自為  
之生稱子者或謂別於先公之女也諸侯  
嫁女於大夫主大夫以與之者為體敵也  
而公自為之主厭尊毀列卑朝廷慢宗廟  
矣夫以鄭國褊小楚公子圍之貴驕張大  
來娶于鄭子產辭而卻之使館于外欲野

○林氏曰高固齊大  
夫高固欲求昏於公  
故使齊侯留公強與  
成婚此可以見肩事  
齊而反得辱之事  
○范氏曰婚禮主人  
設几筵于廡以待迎  
賓諸侯大夫尊卑不  
敵故使大夫為之生  
○子產事見昭公元  
年  
○禽鴈也納采用鴈  
蓋高固強納采於宣  
公也

○宣公以敬贏私事  
襄仲又以賂許齊殺  
惡及視而得立者固  
非以禮定其位故所  
至如此

○由春秋是魯國史  
記於魯國之事載  
之必備

○殺惡及視而立宣  
公仲遂為之也是以  
春秋治其事專以仲  
遂為罪首

○內交官禁謂敬贏  
私事之

○外結強隣謂齊也

○集解云馬者嫁時  
所乘之馬也乘此馬  
以嫁于大夫未三月  
則未畜見未成婦也  
既三月已備見左為  
先祖所愛而成婦故  
遣使還此馬于父母  
家無非禮也  
○鄭氏曰國君夫人  
父母在則歸寧沒則  
使大夫寧於兄弟  
○何氏曰言其雙行  
匹匹似於鳥獸

賜之幾不得撫有其室而宣公以魯國周  
公之後逼於高固請婚其女強委禽焉而  
不能止惟不知以禮為守身之幹是以得  
此辱也春秋詳書為後世鑒欲人之必謹  
於禮以定其位不然卑異矣  
說不近於禮矣足遠恥辱哉

### 叔孫得臣卒

**胡傳**內大夫卒無有不日者以春秋魯史  
也其或不日則見恩數之略爾仲遂  
如齊謀弒子赤叔孫得臣與之偕行在宣  
公固有援立之私其恩數豈略而不書曰  
是聖人削之也君臣父子如妾適庶人道  
之大倫也方仲遂以殺適立庶往謀於齊  
而與得臣並使也若惜然不知其謀或知  
之而不能救則將焉用彼相矣春秋治子  
赤之事專在仲遂以其內交官禁外結強  
鄰大惡無所分也而叔孫得臣有同使下

齊之罪故特不書日以貶之若曰大夫而  
不能為有無者不  
足加以恩數云爾

### 冬齊高固及子叔姬來

**左傳**冬來反馬也公  
來言叔姬之來而不言高固之來則不可乎  
公羊子曰其諸為其雙雙而俱至者與穀梁  
傳及者及吾子叔姬也為  
使來者不使得歸之意也

### 胡傳

敢自安及廟見成婦遺使反馬則高  
固親來非禮也又禮女子有行遠父母者  
歲一歸寧今見逆逾時未易歲也而叔姬  
亟來亦非禮也故書及書來以著齊罪也  
大夫適他國必有君命與公事否則禮法  
之所禁而可犯乎惠公許其臣越禮次行  
而莫遏高固委其君踰境自如而不已則  
人欲已歸矣凡婚姻常事不書而書此者

則以為非常  
為後世戒也

### 楚人伐鄭

左傳楚子伐鄭陳及楚  
平晉荀林父救鄭伐陳

**六年**

晉成四齊惠六衛成三十二蔡文九鄭襄二曹文十五陳靈十

一。杞桓三十四。宋文八。秦桓二。楚莊十一。

### 春晉趙盾衛孫免侵陳

左傳春晉衛侵陳陳  
即楚故也公羊傳趙盾

弒君此其復見何親弒君者趙穿也親弒君者趙穿則曷為加之趙盾不討賊也何以謂之不討賊晉史書賊曰晉趙盾弒其君夷復趙盾曰天乎無辜吾不弒君誰謂吾弒君者乎史曰爾為仁為義人弒爾君而復國不討賊此非弒君如何趙盾之復國奈何靈公為無道使諸大夫皆內朝然後處乎臺上引彈而彈之已趨而避丸是樂而巳矣趙盾已朝

而出與諸大夫立於朝有人荷畚自閨而出者趙盾曰彼何也夫畚曷為出乎閨呼之不至曰子太夫也欲視之則就而視之趙盾就而視之則赫然死人也趙盾曰是何也曰膳宰也熊蹯不熟公怒以斗擊而殺之支解將使我棄之趙盾曰嘻趨而入靈公望見趙盾愬而再拜趙盾遂巡北面再拜稽首趨而出靈公心恚焉欲殺之於是使勇士某者往殺之勇士入其大門則無人問焉者入其閨則無人問焉者上其堂則無人焉俯而闚其戶左食魚殮勇士曰嘻子誠仁人也吾入子之大門則無人焉入子之閨則無人焉入子之堂則無人焉是子之易也子為晉國重卿而食魚殮是子之儉也君將使我殺子吾不忍殺子也雖然吾亦不可復見吾君矣遂列頸而死靈公聞之怒滋欲殺之甚衆莫可使往者於是伏甲于宮中召趙盾而食之趙盾之車右祈彌明者國之力士也屹然從乎趙盾

而入放乎堂下而立趙盾已食靈公謂盾曰  
吾聞子之劔蓋利劔也子以不我吾將觀馬  
趙盾起將進劔祈彌明自下呼之曰盾食鉤  
則出何故故劔於君所趙盾知之蹶階而走  
靈公有周徇謂之弊呼弊而屬之弊亦蹶階  
而從之祈彌明進而跋之絕其領趙盾顧曰  
君之弊不若臣之弊也然而官中甲鼓而起  
有起于甲中者抱趙盾而乘之趙盾顧曰吾  
何以得此于子曰子某時所食活我于暴桑  
下者也趙盾曰子名爲誰曰吾君孰爲介子  
之乘矣何問吾名趙盾驅而出衆無留之者  
趙穿緣民衆不說起弑靈公然後迎趙盾而  
入與之立于朝而立成公黑臀穀梁傳此師  
師也其不言帥師何也不正其敗前事故不  
與帥也

**胡傳**

被傳稱陳及楚平荀林父伐陳陳經皆  
不書者以下書晉衛加兵于陳即陳

○上卿趙盾是也謂  
元年葬林之師與報  
北杏之役是也

○八月即夏之  
六月也嘉穀方茂而  
蝻是爲穀之災也  
○今年蝻七年大旱  
八年日食十年日食  
大水則十三年蝻十  
五年蝻生又飢十  
七年日食是也

夏四月

及楚平可知矣以趙盾孫免書侵即林父  
無詞可稱亦可知矣愛人不親反其仁治  
入不治反其智晉嘗命上將帥師救陳又  
再與之連兵伐鄭今而即楚無乃於己有  
關蓋亦自反可也。不內省德遠以兵加之  
則非義矣。故林父不書伐而盾免書侵以  
正晉人所以主  
盟非其道也。

**附錄**

左傳夏定王使子服求后于齊。秋  
赤狄伐晉圍懷及邢丘。晉侯欲伐之。  
中行桓子曰。使疾其民以盈其質。將  
可殪也。周書曰殪戎殷。此類之謂也。

秋八月蝻

**胡傳**

傳謂蝻爲穀災。虐取於民之效也。先  
是公伐莒取向後再如齊伐萊軍旅

○十五年初，狄賦

○蝨，即詩所謂蝨斯

是也。一曰，九十月于

食，其葉及老也，則

一物，因時而變，以異

為子策

數起賦，斂既繁，戾氣應之矣。夫善惡之感，萌於心，而災祥之應，見於事。宣公不知舍惡，遷善以補前行之愆，而用兵不息，災異數見。年穀不豐，國用空乏。卒至於改助法，而稅民，蓋自此始矣。經於蝨蝻，一物之變，必書于策，示後世天人感應之理，不可誣當慎其所感也。

冬十月

**附錄** 左傳冬，召桓公，迎王后于齊。○楚人伐鄭，取成而還。○鄭公子曼滿與子

子伯廖語欲為卿，伯廖告人曰：無德而貪，其在周易，豐三之離，弗過之矣。間一歲，鄭人殺之。

春秋四傳卷之十九

春秋四傳卷之二十

宣公二

**宋** 定王七年 晉成五 齊惠七 衛成三十三 蔡文十 鄭襄三 曹文十六 陳靈十

二。杞桓三十五。宋文九。秦桓三。楚莊十二。

春，衛侯使孫良夫來盟。左傳：春，衛孫桓子來盟，始通，且謀會晉也。

穀梁傳：來盟，前定也。不言及者，以國與之不日，前定之盟，不日也。言其人，亦以國與之不日，前定之盟，不日也。

**胡傳** 來盟為前定者，嘗有約言矣。未足効信，而釋疑，大相歃血，固結之爾。是盟

也。必有疑焉，而衛侯任其無咎，故遣良夫來為此盟，而公卒見辱。盟非春秋之所貴，義自見矣。

○謂下會于黑壤而止，公不與盟。

○謀事，晉也。

○來盟，始通也。且

○來盟，故左傳云衛孫

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○來盟，始通也。且

○老子儉武章云六  
註曰天應之以惡氣  
即書五穀五穀盡傷  
人也

○杜氏曰書旱而不  
書雩雩無功或不雩  
也

夏公會齊侯伐萊  
秋公至自伐萊大旱

**胡傳**

及者內為志會者外為主平昔及怨  
者可知矣伐萊齊志也故書會繼以取向即所欲  
即師行之危亦可知矣公與齊侯俱不務  
德合黨連兵恃強陵弱是以為此舉也  
旅之後必有凶年言民以征役怨咨之氣  
感動天變而旱乾作矣其以大旱書者或  
不雩或雖雩而不雨也不雩則無恤民憂  
國之心雩而不雨  
格天之精意闕矣

**附錄**

取向陰之禾

冬公會晉侯宋公衛侯鄭伯曹伯于黑壤

左傳

○杜氏曰慢盟主以  
取執止之辱故諱之  
也

○成公十六年冰隨  
之會是也  
○昭公十三年平丘  
之盟是也

鄭及晉平公于宋之謀也故相鄭伯以會冬  
盟于黑壤主叔桓公臨之以謀不睦晉侯之  
立也公不朝焉又不使大夫聘晉人止公于  
會盟于黃父公不與盟以賂免故黑壤之盟  
不書諱  
之也

**胡傳**

會而不得見不以不得見為諱盟而  
不與盟不以不與盟為諱則曲不在  
公而主會盟者之罪耳與於會不與於盟  
而公有歎焉非主會盟者之過也則書會  
不書盟若黑壤是也晉侯之立公既不朝  
又不使大夫聘而每歲適齊是宣公行有  
不嫌於心而非晉人之咎矣凡不直者臣  
為君隱子為父隱於以養臣子愛敬之心  
而不事盟主又賂賂  
免則不直在已矣

**申庚**

定王八年  
六年  
晉成六齊惠八衛成三十四蔡  
文十一鄭襄四曹文十七陳靈



十三。杞桓公。楚莊十三年。宋文。

春公至自會。夏六月公子遂如齊。至黃乃

復。公羊傳其言至黃乃復何有疾也何言乎

徐行而不返。穀梁傳乃者亡乎人之辭也復者事畢也不專公命也

胡傳至黃乃復。壅君命也。有疾亦不復。唯未致事而死。以尸將事。楚伐吳。陳侯使公孫貞子往弔。及良而卒。將以尸入。吳人辭焉。上介芊尹蓋曰。寡君使蓋備使弔君之下。吏無祿。使人逢天之感。太命隕隊。絕世于良。廢日供積。一日遷次。今君命逆使人日無以尸造于門。是我寡君之命委于草莽也。無乃不可乎。吳人不敢辭。君子以為知禮。乃者無其上之詞。其曰復。事未畢也。

○何氏曰。國喪者。聞父母之喪。徐行者不

追代。之。以喪。喻疾者。喪前不當反。尤於疾乎。順。經文而重責之言。乃不言有疾者。有疾猶不得反也。

○儀禮聘禮篇有之

○謂芊尹蓋知禮

○初氏曰垂齊地

○集解云以太事為

禘祭則有事是時祭也

○生而賜氏謂生存之時而賜其氏族世

官謂世襲其官爵如神遂之後為仲嬰齊季友之後為季孫行父是也

○大夫卒而賜氏如魯三家晉六卿是也

辛巳有事于太廟。仲遂卒于垂。

大音泰。公半。傳仲遂者何。

公子遂也。何以不稱公子。敗。曷為敗。敗於文。則無罪。赤。然則曷為不於其弒焉。敗於文。則無罪。於子。則無年。穀梁傳為若。反命而後卒也。此公子也。其曰仲何也。疏之也。何為疏之也。是不卒者也不。疏則無用。見其不卒也。則其卒之何也。以譏乎宣也。其譏乎宣何也。聞大夫之喪。則去。樂卒事。

胡傳

有事言時祭。此公子遂也。何為書字。生而賜氏。俾世其官也。曷為書卒。以事之變。卒之也。古者諸侯立家。大夫卒而賜氏。其後尊禮權臣。寵遇貴戚。而不由其道。於是乎有生而賜氏。其在會則季友仲遂是也。襄仲殺惡及視。援立宣公。而宣公深德之。故生而賜氏。使世大夫以答之也。經於其卒。書族以志變法之端。為後世戒。

○何氏曰廢置也置者不去也齊人語  
○又曰萬者舞之總名武舞用干戚文舞用羽籥簫以竹為之長三尺而六孔執之以舞

○陳氏曰祭宗廟之明日又設祭禮以事釋昨日之祭故謂之釋殿謂之形言壬午則止祭辛巳日也  
○何氏曰非其心猶存於樂知其不可故去其有聲者而為之

○廉陽階陛言君位也  
○後世法家集藝入志有法家者流如韓申商鞅之類  
○孟子曰君之視臣如犬馬則臣視君如國人云

○陳澧曰春秋之法當祭而御齊則不用樂明日則不釋故叔弓之卒昭公去樂卒君子以為禮仲遂之卒宣公猶釋而萬人去籥聖人以為非禮

壬午猶釋萬入去籥

左傳有事於太廟襄仲卒而釋非禮也公羊傳釋者何祭之明日也萬者何千舞也籥者何籥舞也其言萬入去籥何去其有聲者廢其無聲者存其心焉爾存其心焉爾者何知其不可而為之也猶者何通可以已也穀梁傳猶者可以已之辭也釋者祭之且日之享賓也萬入去籥以其為之變譏之也

**胡傳**

釋者祭之明白以賓尸也猶者可已之辭萬舞也以其無聲也故入而遂用籥管也以其有聲也故去而不作是謂故知不可存其邪心而不能格也禮大夫卒當祭則不告終專而聞則不釋不告者盡肅敬之誠於宗廟不釋者全始終之恩於臣子今仲遂國卿也卒而猶釋則失寵遇大臣之禮矣春秋雖隆君抑臣而體貌有加焉則廉陛益尊而臣節礪後世法家專欲隆君而不得其道至以犬馬國人和

○林氏曰宣公母也

○其事與成風季友

○援引也引成風故事而立敬嬴為夫人  
○立嬴氏為夫人而屬於成風則亦以敬成風者而貶於嬴氏矣故曰從同也

視太倫滅矣聖人書法如此存君臣之義也

戊子夫人嬴氏薨

公穀作熊氏

**胡傳**

敬嬴文公妾也何以稱夫人自成風得國立以為夫人於是乎嫡妾亂矣春秋於風氏凡始卒四貶之則掃于太廟秦人歸祿祭叔舍期召伯會葬去其姓不稱夫人王再書而無天是也敬嬴又變私事襄仲而屬宣公不待致于太廟援例以立則從同同而無貶矣其意若曰以義起禮為可繼苟出於私情而非義後雖欲正可若何

晉師白狄伐秦

白狄始見經左傳春白狄及晉平夏會晉伐秦晉人獲秦

謀殺諸絳市

春秋卷三十一

四

○秦人之怨起自穆  
○秦晉類也

○詩魯頌閟宮篇  
○舒蓼二國名滑水  
名泃水隈曲也蓋楚  
人滅舒蓼二國以正  
其疆界遠至滑水之  
曲故吳越二國畏其  
疆遂與盟而服從也

○林氏曰敬蓋贏姓  
也  
○穆姜高公妻也以  
有敬贏故書曰夫人  
婦姜至自齊  
○祖妣隱宣弒子赤  
而皆書即世傳於桓  
公則曰著其弒立之  
罪於宣公則曰著其  
自立之罪其文一施  
之聖人之情見矣

**胡傳** 晉主夏盟糾合諸侯攘夷狄安諸夏  
乃其職矣秦人之怨起自穆崇其曲  
在晉責已可也既不知自反釋怨脩睦以  
補前過已可咎矣乃復興師動衆會戎狄  
以伐之獨不惡傷其類  
乎直書于策貶自見矣

楚人滅舒蓼公作舒蓼左傳楚爲衆舒叛故  
盟吳越而還

**胡傳** 按詩稱戎狄是鷹荆舒是懲在周公  
春秋書而不削者是時楚人疆舒蓼及滑  
泃盟吳越勢益強大將爲中國憂而民有  
被髮左衽之患矣經斯世者當以爲懼  
有攘却之謀而不可忽則聖人之意也

秋七月甲子日有食之既

**附錄**

左傳晉晉克有蠱疾卻缺爲  
政秋廢晉克使趙朔佐下軍

冬十月己丑葬我小君敬嬴敬嬴公毅作相  
熊左傳葬敬嬴

用葛蕪始

**胡傳**

成風薨以夫人葬以小君將祔于廟  
而始有二夫人也則四喪之以正其

事今敬嬴亦葬以夫人葬以小君使祔于  
廟無貶以正之從同同可也而於宣公元  
年即以所逆穆姜婦之何也曰婦有姑之  
詞見敬嬴遂以子貴援例而亟立爲夫人  
也僖公享國八年然後致成風而敬嬴之  
亟也雖云援例魯君臣之責亦可知矣無  
貶而書法若此者猶祖  
宣弒君而書即位爾

雨不克葬東寅日中而克葬左傳雨不克葬  
禮也禮上葬先

遠曰辟不懷也。公羊傳：頃熊者何？宣公之母也。而者何？難也。乃者何？難也。曷為或言而或言乃？乃，難乎而也。穀梁傳：葬，既有日，不為雨止。禮也。雨不克葬，喪不以制也。而緩辭也。足乎日之辭也。

**胡傳**

敬嬴以其子宣公屬諸襄仲，殺太子也。經書：子赤卒，夫人姜氏歸于齊，其艾無也。而讀者有傷切之意焉。則以乘彝不可滅也。傳謂：哭而過市，市人皆哭，敬嬴逆天，理拂人心之狀慘矣。其於終事，雨不克葬，著答微焉。而謂無大道乎？此皆直書以見人心與天理之不可誣者也。夫喪事，即遠有進，無退。浴于中，靈飯于牖下，小斂于內，大斂于阼階，殯于客位，遷于廟，祖于壙，壙于墓。以君賓，則其退有節。以虞事，則其祭有時。不君，雨止禮也。雨不克葬，喪不以

○中審中庭也。○壙，華正棺也。在禮記檀弓及坊記篇。

○楊氏曰：是葬為用止喪事，不以禮制也。

○曾子問曰：諸侯旅見天子入門，不得終禮者，幾？孔子曰：四。蒲問之曰：太廟火，日食，有之喪。云云。

○孟子公孫丑篇曰：不得不可以為悅。云云。君子不以天下儉其親是也。

○檀弓曰：子游問喪具，子曰：稱家之有無云。

○孟子曰：吾聞夷子，墨者，墨之治喪也，以薄為其道也。○林氏曰：今泰山有平陽縣。

**城平陽**

制也。或曰：葬先遠日，所以避不懷也。諸侯相朝，與旅見天子入門，而雨霑服，失容則廢。矧送終，太事人情，所不忍遽者。反可冒雨，不待成禮而葬乎？潦車載，蓑笠上，喪禮也。有國家者，乃不能為雨備，何也？且公庭之於墓次，其禮意固不同矣。不得不可以為悅。無財不可以為悅，得之為有財。古之人皆用焉，而不能為之備，是儉其親也。不亦薄乎？故穀梁子曰：雨不克葬，喪不以制也。厚葬，古人之所戒，而墨之治喪也，以薄。又君子之所不與。故喪事以制，春秋之旨也。

**楚師伐陳**

左傳：陳及晉平，楚師伐陳，取成。

**辛酉 九年**

晉成七年卒。齊惠公九年，衛成三十年卒。蔡文十二年。鄭襄五。曹文十

八陳靈十四。祀桓三十七。宋文十一。秦桓五。楚莊十四。

春王正月公如齊。公至自齊。夏仲孫蔑如

京師。左傳春王使來徵聘夏孟獻子聘于周主以為有禮厚賄之

**胡傳**以夏言之屬辭比事春秋教也。當歲首月公朝于齊夏使大夫聘于京師

此皆比事可改不待與絕而惡自見者也。宣公享國九年於周纔一往聘其在齊則又再朝矣。經於如齊每行必致深罪之也。下逮戰國周衰甚矣齊威王往朝于周而天下皆賢之。况春秋時乎。而宣公不能也。故聘觀之禮廢則君臣之位失諸侯之行惡而倍畔侵陵之敗起矣。此經書君如齊臣如周之意而特書王正月以表之也。

齊侯伐萊。秋取根牟。左傳言易也。公羊傳根牟者何。邾婁之邑。

○禮記經解篇云禹辭比華春秋教也。○四年五年至此凡三如齊。○齊威王姓田氏名嬰烈王六年齊威王來朝于周時周室微弱諸侯莫朝而齊獨朝之天下以此賢威王。

○林氏曰根牟東夷國也。○取言公不宣公非公命也。身宣而下征伐在大夫矣。

○扈鄭地。

也。曷為不繫乎。八月滕子卒。昭公也卒。知婁諱也。

九月晉侯宋公衛侯鄭伯曹伯會于扈。晉荀

林父帥師伐陳。

**胡傳**按左氏註不睦也。陳侯不睦荀林父以諸侯之師伐陳。晉侯卒乃還則知經所書者與晉罪陳之詞也。會于扈以待陳而陳侯不睦然後林父以諸侯之師伐之也。則幾於日反而有禮矣。不書諸侯之師而曰林父帥師者在會諸侯皆以師聽命而林父兼將之也。則其衆輯矣。晉主夏盟又嘗救陳所宜與也。而惟楚之即夫豈義乎。

辛酉晉侯黑臀卒于扈。左傳會于扈註不睦也。陳侯不睦晉荀林

父以諸侯之師伐陳。晉侯卒于扈。還公羊

○陳侯不睦在五年。陳已從楚。八年陳始及晉平楚後伐陳。又成于楚所以扈之會。註陳之不睦也。而陳侯不睦事楚之堅也。○惟楚之即所以不會于扈陳人之罪也。此也。

○林氏曰成公卒。景公獨立。

○林氏曰成公卒于穆公速立

○黑壤之會在七年

○傳所謂會於禮而不往是也

○林氏曰際特晉而宋圍滕以見晉伯之表也

○集解云傳例有將軍師少移人者今宋移人者敗也恐人亦疑為將軍師少故特發

○先是八月滕昭公卒

○左傳宋人圍滕因其喪也

○代人之喪是不仁

○二年盡公弑成公

○二年晉侯代鄭鄭

○正其為夷狄猶夏之罪

○四年冬書楚子伐鄭

傳。庖者何。晉之邑也。諸侯卒其封內不地。此何以地。卒于會。故地也。未出其地。故不言會也。穀梁傳。其地於外也。其日未諭。竟也。

### 冬十月癸酉衛侯鄭卒

**胡傳**

晉成公何以不葬。魯不葬也。衛成公何以不葬。亦魯不葬也。衛成事晉甚謹。而魯宣公獨深。向齊衛欲為晉。致魯故謀。黑壤之會。而特使孫良夫來盟。以定之也。及會于黑壤。而晉人止公。賂然後免。是以會之會。皆前日。諸侯而魯獨不往。二國繼以喪赴。亦皆不葬。此所謂無其事。而闕其文者。也。或曰。二君皆有喪焉。故不葬。葬誤矣。魯人不會。亦無葬乎。書卒而以私。外廢禮忘親。其罪已見。春秋文簡。而直視。若日月之無私照也。曲生意義。失之遠矣。

### 宋人圍滕

因傳因其喪也

**胡傳**

圍國非將軍師少所能辦也。必動大衆而使大夫為主帥。明矣。然而稱人。是賤之也。滕既小國。又左有喪。所宜矜哀。弔恤之不暇。而用兵革以圍之。比事以觀。知見賤之罪在不仁矣。

### 楚子伐鄭晉卻缺帥師救鄭

自是晉楚交伐

厲之役。故伐鄭。晉卻缺救鄭。鄭伯敗楚師于柳。蔡國人皆喜。唯子良憂曰。是國之災也。吾死無日矣。

**胡傳**

楚兵加鄭數矣。或稱人。或稱爵。何也。也。楚人為是。與師而加鄭。不義矣。故宣公三年書。人書。侵罪之也。次。年。鄭公。子歸生弑其君。諸侯未有聲罪。致討者。而楚師至焉。故特書。爵與之也。然與師動眾。賊則不討。惟服鄭之為事。則非義舉矣。故又次年。傳稱。楚子伐鄭。而經書。人再敗之也。至是

○凡書救者善之也  
救者善則伐者惡矣  
晉救為善則楚伐為  
惡矣夫豈與惡者乎

○集解云孔子曰詩  
云民之多僻無自立  
禮其洩治之謂乎愚  
謂孔子之言蓋欲深  
治居亂邦而用直言

○楚子滅陳之端在十一年入陳  
○徵舒陳大夫夏姬之子

○三仁謂微子箕子  
比干見論語

○史魚衛大夫見家  
語

○比干自靖自獻于  
先王出書微子之命

○宋子哀事見文公  
十四年叔朕事見下  
十七年

○陳哲云以此言之  
聖人所書之意蓋以  
陳之所以殺諫臣為  
非而不以洩治之諫  
死為是矣為人臣者  
不可不知所以自處乎

稱爵豈與之乎。按公羊例君將不言帥師  
書其重者也。至此書爵見其陵暴中華以  
重兵臨鄭矣。何以知其非與之乎。曰下書  
晉卻缺帥師救鄭則知其非與之也。由此  
觀春秋書法皆欲治亂賊之黨謹華  
夷之辨以一字為褒貶深切著明矣。

### 陳殺其大夫洩治

洩治陳靈公與孔寧儀行父通  
於夏姬皆衷其衽服以戲于朝洩治諫曰公  
卿宜淫民無效焉且聞不令君其納之公曰  
吾能改矣公告于子子請殺之公弗禁遂  
殺洩治孔子曰詩云民之多僻無自立禮其  
洩治之謂乎穀梁傳稱國以殺其大夫殺無  
罪也洩治之無罪如何陳靈公通于夏姬  
之家公孫寧儀行父亦通其家或衣其衣或  
衷其襦以相戲於朝洩治聞之入諫曰使國  
人聞之則猶可使仁人聞之則不可  
君愧於洩治不能用其言而殺之

### 胡傳

稱國以殺者君與用事大臣同殺之  
也稱其大夫則不失官守而殺之者  
有專輒之罪矣洩治無罪而書名何也治  
以諫殺身者也殺諫臣者必有亡國弑君  
之禍故書其名為徵舒弑君楚子滅陳之  
端以垂後戒此所謂義係於名而書其名  
者也。比干諫而死子日商有三仁焉洩治  
諫而死何獨無褒詞。夫語默死生當其可  
而止爾。洩治之盡言無隱不愧乎史魚之  
直矣。方諸比干自靖自獻于先王則未可  
同日而語也。治雖效忠其猶在宋子哀魯  
叔朕之後乎。故仕於昏亂之朝若異姓者  
如子哀繫身而去可也。其貴  
戚耶不食其祿如叔朕善矣。

### 定王十年

晉景公孺元年齊惠十卒衛穆  
八年文十陳靈十五弑相桓三十  
八宋文十二秦桓六楚莊十五

集解○君如齊臣如  
羅慢天王而失諸侯  
之職甚矣故特書正  
月於上以見天道王  
法之存下書公如齊  
臣如周之意以明正  
其罪聖人之意見矣

○即五年子叔姬嫁  
南固是也

○伐萊之舉在七年

○諸侯事天子之禮六年五服一朝今宣公即位至此九十年而朝于齊廷者凡五

○元年季孫行父如齊結賂諸會齊侯受賂故會平州以定公位是年六月齊人取濟  
西田至此復歸于魚是齊魯之情見矣

○歸諸及闡在哀公  
八年

○此我字與常我不  
同故特推其意

○林氏曰惠公卒于  
頃公無野立

### 春公如齊公至自齊

**胡傳**此亦如齊亦致其至而不書月上九年夏使仲孫蔑如京師故特於歲首書王正月以著宣公之罪而君臣各分之際謹嚴如此也歸田以為私惠比於君臣各分之際則大小不侔矣

### 齊人歸我濟西田

**左傳**齊侯以我服故歸濟西之田公羊傳齊已取之矣其言我何言我者未絕於我也曷為未絕于我齊已言取之矣其實未之齊也穀梁傳公娶齊齊由以為兄弟反之不言來公如齊受之也

### 胡傳

宣公於齊順其所欲既以女妻其臣齊廷雖諸侯事天子無是禮也故惠公悅其能順事已而以所取濟西田歸之也

謹及闡直書曰歸此獨書我者乃相親愛惠遺之意深著齊人助成弒逆之罪也或謂濟西魯之本封故書我則誤矣以柔巽卑屈事人不以其道而得地與悅人之柔巽卑屈事已不以其道而歸其地皆人欲之私而非義矣

### 夏四月丙辰日有食之○已巳齊侯元卒

### 齊崔氏出奔衛

**左傳**夏齊惠公卒崔杼有寵而逐之奔衛書曰崔氏非其罪也且告以族不以名凡諸侯之大夫違告於諸侯曰某氏之守臣某失守宗廟敢告所有玉帛之使者則告不然則否公羊傳崔氏者何齊大夫也其稱崔氏何貶為貶世卿世卿非禮也穀梁傳氏者舉族而出之之辭也

### 胡傳

按左氏崔杼有寵於惠公高國畏其逼也公卒而逐之奔衛書曰崔氏以



○集解云崔杼反國不見經傳成十七年載齊侯使崔杼為大夫襄二十五年弑齊莊公

○夏四月己巳齊侯元卒公如齊奔惠公喪明矣

○由但書葬匡王而不書其人如京師故知其為微者

○林氏曰靈公弑于成公午立

○靈公君臣謂公與孔寧儀行父是也  
○謂淫於微舒母夏姬  
○其指陳靈公也言恐其禍及則是為身言恐其及禍則是為身言靈公之辨不可不靈致此其及禍一句由靈洩治愛君之心

○龍圖勝在去年冬

族奔也。許翰以謂崔杼出而能反。反而能弑者以其宗彊於此舉氏辨之早也。其說得矣。所謂譏世卿者非公羊本旨蓋門弟子因尹氏武氏稱世卿而附益之於此解經有事同而詞異亦有事異而詞同視之則泥而不通矣。

公如齊左傳公如齊奔喪五月公至自齊公如齊止此

**胡傳** 又約而事詳者經也。春如齊朝惠公。夏如齊奔其喪。若是雖不致可也。而皆致者甚之也。天王之喪不奔欲行郊禮而汲汲於奔齊惠公之喪。天王之葬不奔使微者往而公孫歸父會齊惠公之葬其不顧君臣上下尊卑之等所謂肆人欲滅天理而無忌憚者也。詞繁而不殺聖人之情見矣。

癸巳陳夏徵舒弑其君平國左傳陳靈公與孔寧儀行父飲

酒於夏氏。公謂行父曰。徵舒似女。對曰亦似君。徵舒病之。公出自其廐射而殺之。二子奔楚。

**胡傳** 陳靈公之無道也。而稱大夫之名氏以弑何也。禍莫大於拒諫而殺直臣。忠莫顯於身見殺而其言驗。洩治所為一憚斧鉞盡言於其君者。正謂靈公君臣通於夏徵舒之家。恐其及禍不忍坐觀。故昧死言之。靈公不能納。又從而殺之。卒以見弑而亡其國。此萬世之大戒也。特書徵舒之名氏以見洩治忠言之驗。靈公見弑之由使有國者必以遠色脩身包容狂直。開納諫諍為心也。以為罪不及民。故稱大夫以弑者非經意矣。

六月宋師伐滕左傳滕人恃晉而不事宋六月宋師伐滕

**胡傳** 前圍滕稱人刺伐喪也。此伐滕稱師。譏用衆也。宋大國爵上公霸王之餘

○傳上七年齊桓公卒宋襄公繼伯歷成昭文凡四世改曰伯王餘業

○今隣有獄逆謂陳有微舒之事

○屈辱謂如七年如齊會伐萊之類與子叔姬妻高固皆是

○謂匡王崩不奔喪不會其葬定王立不朝聘是也

業力非不足也。今鄰有弑逆不能聲罪致討。乃用太衆以伐。所當矜恤之小邦。且勝不事已。無乃已德。猶有所闕而勝何尤焉。故特稱師以著其罪。而汲汲於誅亂臣。討賊子之。意見矣。

### 公孫歸父如齊葬齊惠公

**胡傳**

歸父仲遂之子。貴而有寵。宣公深德之也。故生則傾身以事之。而不辭於屈辱。沒則親往奔喪。而使貴卿會其葬。亦不顧天主之禮。闕然莫之供也。比事老辭。義自見矣。

晉人宋人衛人曹人伐鄭左傳鄭及楚平諸侯伐鄭取成而還

○百步逾楚五十步喻晉

○林氏曰王季子即劉康公周聘止此

○何氏曰子者王季也天子不言子弟故變文言季係先王以明之著其骨肉體親也

**胡傳**按左氏鄭及楚平諸侯伐鄭取成而還其稱入昭也鄭居大國之間從於疆令豈其罪乎不能以德鎮撫而用力罪之是謂五十步笑百步庸何愈於楚自是責楚益輕罪在晉矣

### 秋天王使王季子來聘

王聘止此左傳劉康公來報聘公羊傳王

季子者何夫子之大夫也其稱王季子何貴也其貴奈何母弟也穀梁傳其曰王季子也其曰子尊之也聘問也

**胡傳**

公羊傳曰王季子者王之母弟也王國至是十年不朝于周而比年朝齊不奔

王喪而奔齊侯喪不遣貴卿會匡王葬而使歸父會齊侯之葬縱未舉法勿聘焉猶可也而使王季子來王靈益不震矣自是王聘春秋亦不書矣

○林氏曰釋邾邑  
宣公而下征伐在太  
夫故自取釋凡取皆  
不書其人且伐犯凡  
伐皆不書公  
○邾魯附庸在魯地  
七百里之中  
○見上文亦以陳故

○林氏曰齊頃公初  
盟位故言初聘于齊  
魯侯小恐為齊討故  
往謝是也  
○曲禮云禮不妄悅  
入云

○林氏曰齊魯之交  
自是疎矣

○集解云諸侯五月  
而葬惠公以四月卒  
亦非是葬之速而而  
頃公無懷思其父之  
心故也  
○幾見執獲見在成  
公二年

○林氏曰潁北潁水  
之北

公孫歸父帥師伐邾取繹繹公作類左傳

**胡傳** 用貴卿為主將舉太眾出征伐不施  
於亂臣賊子奉天討罪而陵弱侵小  
近在邾域之中附庸之國是為盜也當此  
時陳有弒君之亂既來赴吉藏諸侯之  
策矣魯不是圖而有事於邾亦慎乎故  
四國伐邾取而稱人魯人  
伐邾特書取繹以罪之也

大水○季孫行父如齊冬公孫歸父如齊宣公

聘齊止此左傳季文子初聘  
于齊冬子家如齊伐邾故也

**胡傳** 按左氏行父如齊初聘也歸父如齊  
邾故也齊侯嗣立宣公親往奔其父  
喪又使貴卿會葬矣若待逾年然後脩聘  
未晚也而季孫亟行歸父繼往則以宣公  
君臣不知為國以禮而謂妄說取人可也

免於討也歸父貪於取繹畏齊而往蓋理  
曲則氣必餒矣能無畏乎哉春秋備  
書而不罰以著其罪為後世鑒也

齊侯使國佐來聘國武

**胡傳** 葬之速也夫不懷也又未逾年而以  
君命遣使聘于鄰國則哀戚之情忘  
矣子而子曰養生不足以當大事惟送死可  
以當大事滕文公五月居廬未有命戒及  
至葬顏色之戚哭泣之哀弔者大悅而有  
願為其氓者蓋禮義人心之所同然也齊  
頃公嗣位之初舉動如此喪師失地幾見  
執獲豈特婦人笑客之  
罪哉已失守身之本矣

饑公羊傳何以楚子伐鄭左傳楚子伐鄭  
楚師子潁北諸  
侯之師伐鄭

○集解云：上稱晉書其重者，隆其勢以見其暴也。此稱晉亦書重者，舉其實以厲其詞也。故以彼為貶，此為褒。彼則由經而失，此則由傳而新也。

○經有不待傳而可明者，有以待傳而後能明者。若此之類，不以傳觀則不知，則士會之師為貶者也。此筆削之旨，斷非筆心游夏不能會者也。

**胡傳** 經有詞同而意異者，其事以觀斯得之矣。九年楚子伐鄭，稱爵者，貶詞也。若曰：國君自將，待強壓弱，惡陵中夏之稱也。知然者，以下書晉卻缺帥師救鄭，則貶楚可知矣。此年楚子伐鄭，稱爵者，直詞也。若曰：以實屬辭，書其重者，而意不以楚為罪也。知然者，以傳書晉士會救鄭，逐楚師于穎北，而經削之，則責晉可知矣。此類兼以傳為案者也。

**附錄** 左傳鄭子家卒，鄭人討幽公之亂，葬于家之棺，而逐其族，改葬幽公，諡之曰靈。

**定王十有一年** 晉景公二月頃公無野元年，衛穆公二年，蔡文十四，鄭襄七年，曹文二十，陳成公午元年，杞桓三十九，宋文十三，秦桓七，楚莊十六。

○林氏曰：辰陵陳地。○序楚子於陳，侯鄭伯之上，初與楚莊以伯也。

**春王正月** ○夏楚子陳侯鄭伯盟于辰陵辰陵在陳地

夷陵左傳春楚子伐鄭及欒子良曰晉楚不務德而兵爭與其來者可也晉楚無信我焉得有信乃從楚夏盟于辰陵陳鄭服也

○傳三十二年晉文公卒楚莊王繼伯爭，宣元年。○林氏曰：少西氏徵晉之祖子復之名。○劉歆七畧上奏曰：仲尼有言禮失而求之野。○蓋與天子失禮，學在四夷同意。

○論語公佾篇文

**胡傳** 晉楚爭此二國為日久矣。今陳鄭背晉從楚，盟于辰陵，而春秋書之，無貶詞者，豈與其下喬木入幽谷乎？中國不能令，則夷狄進矣。經之大法在誅亂臣，討賊子。有亂臣則無君，有賊子則無父。無父無君，即中國變為夷狄。今魯與齊方用兵伐天下，不能一朝居也。今魯與齊方用兵伐晉，晉與狄方會于橫函，而不謀少西氏之逆也。而楚人能謀之，所謂禮失而求之野。夷狄之有君，不如諸夏之亡也。辰陵之盟，所以得書於經，而詞無貶乎。聖人討賊之意，可謂深切著明矣。

○林氏曰：橫函，狄地。楚方倡義於天下，而晉攻狄於稱狄至，往會焉，晉甲甚矣。

○集解云：夷狄鳥獸之行，非我族類，故中國不與其會。同者異其類而分之也。

○會戎隱二年，魯子。○會狄即此。○會吳襄五年，魯子善道等。○如孔子告哀公討陳桓之法，是也。

○肩背三年，喻陳丁指細小功喻秋。

○林氏曰：不言楚子而林人討賊之詞也，是為國人殺之也。

○林氏曰：楚入國書，將始此。○先書殺後書人與楚以討賊之義，也不以利陳累莊王也。

**附錄** 左傳楚左尹子重侵宋，宋王待諸郟，令尹蔣艾獵城沂，使封人處事以授司徒。量功命日，分財用平，板榦稱畚築，程土物議遠邇，畧基址，具餼糧，度有司事三旬而成，不愆于素。

公孫歸父會齊人伐莒。○秋，晉侯會狄于橫

函。橫才端反。因傳晉郤成子求成于眾狄。眾狄疾赤狄之役，遂服于晉。秋會于橫函，眾狄服也。是行也，諸大夫欲召狄，郤成子曰：吾聞之，非德莫如勤，非勤何以求人。能勤有繼，其從之也。詩曰：文王既勤，止文王猶勤，況寡德乎？穀梁傳：不言反外狄也。

**胡傳** 春秋正法不與夷狄會同，分類也。書會戎會狄會吳，皆外詞也。內中國故，則方伯之責也。又不能討，則四鄰諸侯宜有請矣。而魯方會齊伐莒，晉方求成于狄。

是失有背而養其，一指不能二年而總小功之察，不亦僨乎？凡此直書其事，事不待貶絕而義自見者也。

冬十月，楚人殺陳夏徵舒。○公羊傳：此楚子也。

不與外討，也不與外討者，因其討乎外而不與也。雖內討亦不與也。曷為不與實與而不與？不與文曷為不與？諸侯之義不得專討也。文不與，文曷為不與？諸侯之義不得專討也。諸侯之義不得專討，則其曰實與之，何？上無天子，下無方伯，天下諸侯有為無道者，臣弑君，子弑父，力能討之，則討之可也。穀梁傳：此入而殺也，其不言入何也？外徵舒於陳也。其外徵舒於陳何也？明楚之討有罪也。丁亥，楚子入陳。穀梁傳：入者，內弗受也。日入惡為中國也。

為中國也。

**胡傳** 稱人者，衆辭也。大惡人人之所同惡，人人之所得討，其稱楚人殺徵舒，諸

○轅車裂也栗門陳城門名也

○陳哲曰傳先書入陳而後殺徵舒者魯史之實也經先書殺後書入者聖人之法也

○孟子曰雞鳴而起孜孜為善者舜之徒也雞鳴而起孜孜為利者跖之徒也欲知舜與跖之分無他利與善之間耳傳意本此

○謂於陳國每鄉取一人以歸楚國而州居之示討夏氏所獲號為夏州  
○范氏曰楚子入陳納淫亂之人執國威柄制其君臣偵到上下錯亂邪正是以春秋

○上文引晉於鄭不能制擊之立故則楚不當與陳納孔寧儀行父矣

○亡者存之滅者興之

○禮記王制云爵人於朝與眾共之刑人於市與眾棄之陳氏曰刑人於市設法也謂貴賤皆刑於市周則有爵者刑於甸師氏也

夏之罪自見矣按左氏傳楚子為夏氏亂故謂陳人無動將討於少西氏遂入陳殺徵舒轅諸栗門而經先書殺後書入者與楚子之能討賊故先之也討其賊為義取其國為貪舜跖之相去遠矣其分乃在於善與利耳楚莊以義討賊勇於為善舜之徒也以貪取國急於為利跖之徒矣為善與惡特在念須臾之間而書法如此故春秋傳心之要典不可以不察者也或曰聖人大改過楚雖縣陳能聽申叔時之說而復封陳可謂能改過矣猶書入陳以貶之何也曰楚莊意在滅陳雖復封之然鄉取一人焉以歸謂之夏州而又納其亂臣是制人之上下使不得其君臣之道也晉人以幣如鄭問駟乞之立故子產對曰若寡君之二三臣而晉大夫專制其位是晉之縣鄙也何國之為辭客幣而報其使晉人舍之他國非所當與也而必欲納其亂

臣存亡興滅其若是乎仲尼重傷中國深美其有討賊之功故特從末滅不稱取陳而書入雖曰與之可矣

納公孫寧儀行父于陳寧公作甯左傳冬楚子為陳夏氏亂故伐

陳謂陳人無動將討於少西氏遂入陳殺夏徵舒轅諸栗門因縣陳陳侯在晉申叔時使於齊反復命而退王使讓之曰夏徵舒為不道弑其君寡人以諸侯討而戮之諸侯縣公皆慶寡人女獨不慶寡人何故對曰猶可辭乎王曰可哉曰夏徵舒弑其君其罪大矣討而戮之君之義也抑人亦有言曰牽牛以蹊人之田而奪之牛牽牛以蹊者信有罪矣而奪之牛罰已重矣諸侯之從也曰討有罪也今縣陳貪其富也以討召諸侯而以貪歸之無乃不可乎王曰善哉吾未之聞也反之可乎對曰可哉吾儕小人所謂取諸其懷而與

○反覆小人之情狀  
言其反覆無定也  
○人譬陳毒譬孔寧  
儀行父飲之謂用之  
也

○猶徵舒之宮邾定  
公之法也

○封洩冶之墓周武  
王之禮

○尸陳尸也殺其人  
陳其尸於市朝以暴  
乏也子服景伯之意  
○孟子為齊定燕之  
策

○庶幾近辭也

之也乃復封陳鄉取一人焉以歸謂之夏州  
故書曰楚子入陳納公孫寧儀行父于陳書  
有禮也公羊傳此皆大夫也其言納何納公  
黨與也穀梁傳納者內弗受也輔入之不能  
民而討猶可入人之國制人之  
上下使不得其君臣之道不可

**胡傳**

此二臣者從君於昏宣淫於朝誅殺  
諫臣使其君見弑蓋致亂之臣也  
諸市朝與衆同棄然後快於人心今乃詭  
辭奔楚託於討賊復讐以自脫其罪而定  
莊不能察其反覆又使陳人用之是猶以  
有飲毒而死者幸而復生又疆以毒飲之  
可乎故聖人外此一人於陳而特書曰納  
納者不受而強納之者也為楚莊者宜亦  
何須徵舒之官封洩冶之墓尸孔寧儀行  
父子朝謀於陳衆定其君而去其庶幾乎  
**附錄**左傳厲之役鄭伯逃歸自是楚未得  
志焉鄭既受盟于辰陵又徵事于晉

春秋四傳卷之二十一

春秋四傳卷之二十一

宣公三

**甲**定王十年十有二年 晉景三。齊頃二。衛穆三。蔡  
文十五。鄭襄八。曹文二十

一。陳成二。杞桓四十。宋文  
十四。秦桓八。楚莊十七。

春葬陳靈公 公羊傳討此賊者非臣子也何  
以書葬君子辭也楚已討之矣

臣子雖欲討之  
而無所討也

**胡傳**

討賊者非臣子也何以書葬天下之  
惡一也本國臣子或不能討而上有  
天主下有方伯又其次有四鄰有同盟有  
方戰之諸侯有四夷之君長與凡民皆得  
而討之所以明太倫存天理也徵舒雖楚  
討之陳之臣子亦可以釋怨矣故得書葬

○大夫曰賊討國復  
二十二月然後得葬

君子詞也

楚子圍鄭左傳春楚子圍鄭旬有七日鄭人

甫吉國人入大臨守陣者皆哭楚子退師鄭人

脩城進復圍之三月克之入自皇門至于達

路鄭伯肉袒牽羊以逆曰孤不天不能事君

使君懷怒以及敵邑孤之罪也敢不唯命是

聽其俘諸江南以實海濱亦唯命其勳以賜

諸侯使臣妾之亦唯命若惠顧前好傲福于

厲宜桓武不泯其社稷使改事君夷於九縣

君之惠也孤之願也非所敢望也敢布腹心

君實圖之左右曰不可許也得國無赦王曰

其君能下人必能信用其民矣庸可幾乎退

三十里而許之平潘

延入盟子良出質

**胡傳**

按公羊傳例戰不言伐圍不言戰入

不言圍滅不言入書其重者楚子縣

皇門鄭城門名

見莊公十年

左傳作達路公羊作路衢

集解云

○按書其重者則於

陳當書滅於鄭當書

入今滅楚罪而書其

輕聖人之意必有所

原矣

○林氏曰鄭鄭地

○桓子即荀林父欲

以晉師歸

陳蓋滅之矣而經止書入其於鄭也入自

皇門至於達道蓋即其國都矣而經止書

圍曷為悉從輕典不著其憑陵諸夏之罪

乎上無天主下無方伯天下諸侯有臣弑

君子弑父諸夏不能討而夷狄能討之春

秋取大節略小過雖如楚子憑陵上國近

造王都之側酒從末滅於以見誅

亂臣討賊子正太倫之為重也

夏六月乙卯晉荀林父帥師及楚子戰于邲

晉師敗績邲音弼左傳百六月晉師救鄭荀

林父將中軍先穀佐之士會將上

軍卻克佐之趙朔將下軍欒書佐之趙括趙

嬰齊為中軍大夫鞏朔韓穿為上軍大夫荀

首趙向為下軍大夫韓厥為司馬及河澗鄭

既及楚平桓子欲還曰無及於鄭而勦民焉

用之楚歸而動不從隨武子曰善會聞用師

觀釁而動德刑政事典禮不易不可敵也

春秋左傳卷二十一

二



○林氏曰為教即叔孫敖也為軍為令尹也

○舉周頌為詩鑠美也言於美周王之師言武王能遵天之道養其時晦須暗昧者惡積而後取之言致討於暗昧者也

○林氏曰此師卦初六爻辭言師出必以法律否不也言不以律則雖滅善猶凶也

○三軍皆敗則六帥同罪不獨責元帥不猶愈於專任其罪林氏從韓厥之言遂以三軍濟河楚莊王以師向北行

為是征楚軍計鄭心其戴而哀其卑叛而伐之服而舍之德刑出矣伐叛刑也柔服德也二者立矣昔歲入師今茲入鄭民不罷勞君無怨讟政有經矣加尸而舉商農工賈不敗其業而卒乘輶陸尹不奸矣為教為宰擇楚國之令典軍行右左追尊前第慮無中權後鞫百官象物而制軍政不戒而備能用典矣其君之舉也內姓選於親外姓選於舊舉不失德賞不失勞老有加惠旅有施舍君子小人物有服章貴賤尊卑禮有等威禮不遜矣德立刑行政成而退軍之善政也兼弱攻昧武之善經也子而昧者何必楚仲也為日於鑠王師競惟烈無弱者昧可晉所以霸師武力有敵而不從不可謂武由我失霸不如死

且成師以出聞敵疆而退非夫也命為軍帥而卒以非夫惟尋子能我弗為也以中軍佐濟知在子日此師殆哉周易有之在師三之臨三曰師出以律不臧凶執事順成為臧逆為否眾散為弱川壅為澤有律以如已也故日律不臧且律竭也盈而以竭天且不整所以凶也不行之謂臨有帥而不從臨孰甚焉此之謂矣果遇必敗彘子尸之雖免而歸必有大咎韓獻子謂桓子曰彘子以偏師陷子罪大矣子為元帥師不用命誰之罪也失屬罪師為罪已重不如進也事之不捷惡有所分與其專罪六人同之不猶愈乎師遂濟楚子北師飲于邲沈尹將中軍子重將左子友將右將飲馬於河而歸晉師既濟王欲還嬖人伍參欲戰令尹孫叔敖弗欲曰昔歲入陳今茲入鄭不無事矣戰而不捷參之肉其足食乎參曰若事之捷孫叔為無謀矣不捷參之肉將存晉軍可得食乎令尹南轅反旆

○林氏曰：敖鄆二山，在英陽縣西北，晉師駐于此，二山之間。

○蕞路，柴車也。藍縷，敝衣也。若敖蚡冒，楚先君言此二君勤儉以開啟楚國之山林土地。

伍參言於王曰：晉之從政者，新未能行，其佐先穀剛，復不仁，未肯用命，其帥者，重行不獲聽，而無上，眾誰適從？此行也，晉師必敗。且君而逃，臣若社稷，何王病之？告令尹改乘，轅而北，使之次于管，以待之。晉師在敖鄆之間，鄭皇成使如晉，師曰：鄭之從楚，社稷之故也。未嘗有貳心。楚師驟勝而驕，其師老矣，而不設備，子擊之。鄭師為承，楚師必敗。彘子曰：敗楚，服鄭於此，在矣。必許之。欒武子曰：楚自克庸以來，其君無日不計國人之難，武子曰：楚自克庸，不易禍，至之無日不計國人之難，武子曰：楚自克庸，日不計軍實，而申儆之，于勝之，不可以保。紂之百克而卒，無後訓之，以若敖蚡冒蕞路藍縷，以啟山林，民生在勤，勤則不惰，不可謂驕。先大夫大子犯有言曰：師直為壯，曲為老。我則不德，而徼怨于楚。我曲楚直，不可謂老。其君之戎，分為二廣，廣有一卒卒，偏之兩，右廣初駕，數日，日中，左則受之，以至於昏，內官。

○一廣有車十五乘，每乘用拔卒百人，司馬法：百人為卒，二十五人為兩，五兩為一廣。今廣十五乘，亦用舊備法，復以二十五人為承副也。

○師叔，即潘阍，楚國之所崇貴也。

○驪旌，驅疾也。摩，近也。人之軍，壘而還，善者蓋左，取善矢以。

序當其夜，以待不虞，不可謂無備。子良，鄭之良也。師叔，楚之崇貴也。師叔入盟，子良在楚，楚鄭親矣。來勸我戰，我克則來，不克遂往。以我下也。鄭不可從。趙括，趙向曰：率師以來，唯敵是求，克敵得屬，又何俟？必從。彘子曰：原屏，晉國之徒也。趙莊子曰：欒伯善哉，實其言，必長。晉國楚少宰如晉，師曰：寡君少遭閔凶，不能文，聞二先君之出入，此行也。將鄭是謀，定豈敢求罪于晉？二三子無淹義。隨季對曰：借平主命，我先君文侯曰：與鄭夾輔，周室母廢。王命今鄭不率，寡君使羣臣問諸鄭，豈敢辱候人，敢拜君命之厚，彘子曰：為諸使趙括從，而更之曰：行人失辭，寡君使羣臣遷大國之迹於鄭，曰：無辟敵，羣臣無所逃命。楚子又使求成于晉，晉人許之。盟有日矣。楚許伯御，樂伯攝叔，為右，以致晉師。許伯曰：吾聞致師者，御靡旌，摩壘而還，繼作日，吾聞致師者，左射以蔽代，御執轡，御下兩馬，掉鞅而還。攝叔曰：

○折敵折其左耳其  
俾取其俘囚也

○新殺為鮮言潘黨  
掌禽獸之人無乃不  
美給於新殺之鮮

○布席而坐於楚軍  
門外亦無所畏

○乘廣兵車名

○馳車兵車名

○軍志舉兵法之書

吾聞致師者右入壘折敵執解而還皆行其  
所聞而復晉人逐之左右射馬  
而右射人角不能進矢一而巴麋與於前射  
康麗龜晉鮑突當其後使攝叔奉麋獻焉曰  
以歲之非時獻禽之未至也騰諸從者鮑突  
曰歲之非時獻禽之未至也騰諸從者鮑突  
魏錡求為公族未得而怒欲敗晉師請致師  
弗許請使許之遂往請戰而還楚潘黨逐之  
及榮澤見六麋射一麋以觀獻曰子有軍事  
獸人無乃不給於鮮敢獻於從者叔黨命去  
之趙旃求卿未得且怒於失楚之致師者請  
我戰弗許請盟許之與魏錡皆命而往卻  
獻之曰二憾往矣弗備必敗魏錡皆命而往  
戰弗敢從也楚人求成弗能好也師無成命  
多備河為上季曰備之善若二子怒楚楚人  
乘我喪師無日矣不如備之楚之無惡除備  
而盟何損於好若以惡來有備不敗且雖諸  
侯相見軍衛不徹警言也彘子不可士季使

朔韓穿帥師七覆於敖前故上軍不敗趙嬰齊  
使其徒先具舟於河故敗而先濟潘黨既逐  
魏錡趙旃夜至於楚軍席于軍門之外使其  
徒入之楚子為乘廣三十乘分為左右右廣  
雞鳴而駕日中而說左則受之日入而說許  
偃徇右廣養由基為右彭名御左廣屈蕩為  
右乙卯王乘左廣以逐趙旃趙旃棄車而走  
屈蕩搏之得其甲裳晉人懼二子之怒楚  
師也使馳車逆之潘黨望其塵使驂而告曰  
晉師至矣楚人亦懼王之人晉軍也遂出陳  
孫叔曰進之寧我薄人無人薄我詩云元戎  
十乘以先啓行先人也軍志曰先人有奪人  
之心薄之也疾進師車馳卒奔乘晉軍桓  
子不知所為鼓於軍中曰先濟者有賞中軍  
下軍爭舟舟中之指可掬也晉師右移上軍  
未動工尹齊將右拒卒以逐下軍楚子使唐  
狡與蔡熹居告唐惠侯曰不穀不德而貪以  
遇大敵不穀之罪也然楚不克君之羞也敢

春秋左傳卷二十一

五

○燕教也扁車上兵  
蘭西京賦曰旗不脫  
肩薛綜云扁止旗也  
楚人教晉兵脫去車  
上橫闌木  
○旆大旗也楚以教  
晉兵拔大旗投衡上  
使不帆風差輕

晉君靈以濟楚師使潘黨率遊闕四十乘從  
唐侯以爲左執以從上軍駒伯曰待諸乎  
而日楚師方非若萃於我吾師必盡不如  
去之。分謗生民不亦可乎。殿其率而退不  
始亦見以終自是楚之乘。屈蕩尸之曰。君以  
廣。亦不能進。楚人憇之。脫。少。進。馬。還。或  
也。趙旃以其良馬。二。濟。其。兄。與。叔。父。以。他。馬  
反。遇。敵。不。能。去。棄。車。而。走。林。逢。太。夫。與。其。二  
子。乘。謂。其。一。子。無。顧。顧。曰。趙。使。在。後。怒。之。使  
下。指。木。曰。凡。女。於。是。投。趙。旃。綏。以。免。明。日。以  
表。凡。之。皆。重。獲。在。木。下。楚。熊。負。霸。囚。知。營。知  
莊。子。以。其。族。反。之。厨。武。子。御。下。軍。之。士。多。從  
之。每。射。抽。矢。載。納。諸。厨。子。之。房。厨。子。怒。曰。非  
子。之。求。而。滿。之。愛。董。澤。之。蒲。可。勝。既。乎。知。李  
日。不。以。人。子。吾。子。其。可。得。乎。吾。不。可。以。苟。射  
故。也。射。連。尹。襄。老。獲。之。遂。載。其。尸。射。公。子。穀

○菴楊柳也可以爲箭及愛楊柳之箭何也  
○董澤晉澤名其地多出楊柳

○武字之義以正戈  
○舉史佚所謂無恃  
人之亂以要利者謂  
石制魚臣之類是也

臣囚之以三者還及昏楚師軍於郟晉之餘  
師不能軍宵濟亦終夜有聲丙辰楚重至于  
郟遂次于衡雍潘黨曰君盍築武軍而收晉  
功楚子曰非爾所知也夫文止戈爲武武主  
克商作頌曰載戰于戈載囊弓矢我求懿德  
肆于時夏允王保之又作武惟其率章曰誓定  
綱功其三日鋪時繹思我徂武惟其率章曰誓定  
綏萬邦纓豐年夫武禁暴戢兵保大定功安  
民和衆豐財者也故使子孫無忘其章今我  
使二國暴晉暴矣觀兵以威諸侯兵不戢矣  
暴而不戢安能保大猶有晉在焉得定功所  
違民欲猶多民何安焉無德而強爭諸侯何  
以和衆利人之幾而安人之亂以爲已榮何  
以豐財武有七德我無一焉何以示子孫其  
爲先君宮告成事而已武非吾功也古者明  
王伐不敬取其鯨鯢而封之非吾功也古者明  
乎有京觀以懲淫慝今罪無所以爲大戮於是

春秋卷三十一

○林氏曰言亂憂之病歸於特以爲利者也

以死君命又可以爲京觀乎祀于河作先君宮告成事而還是役也鄭石制實入楚師將以分鄭而立公子魚石辛未鄭殺僕叔及子服君子曰史佚所謂毋怙亂者謂是類也詩曰亂離瘼矣受其適歸歸於怙亂者也夫公羊傳大夫不敵君此其稱名氏以敵楚子何不與晉而與楚子爲禮也曷爲不與晉而與楚子爲禮也莊王伐鄭勝乎皇門故乎路轍鄭伯肉袒左執茅旌右執鸞力以逆莊王曰寡人無良邊垂之臣以于天禍是以使君主沛焉辱到敝邑君如矜此喪人錫之不毛之地使帥一二耆老而綴焉請唯君王之命莊王曰君之不令臣交易爲言是使寡人得見君之玉面而微至乎此莊王親自垂旌左右撫軍退舍七里將軍子重諫曰南郢之與鄭相去數千里諸大夫死者數人廝役倦養死者數百人今君勝鄭而不有無乃失民臣之力乎莊王曰古者杆不穿皮不蠹則不出

○陳人弑君即夏徵舒

○以林父爲三軍元帥

○先穀中軍佐首林父之屬也

於四方是以君子篤於禮而薄于利要其人而不更其土告從不赦不詳吾以不詳道民災及吾身何日之有既則晉師之救鄭者至日請戰莊王許諾將軍子重諫曰晉六國也王師淹病矣君請勿許也莊王曰弱者吾成之強者吾許之是以使寡人無以立乎天下今之還師而逆晉寇莊王鼓之晉師大敗晉衆之走者舟中之楫可掬矣莊王曰嘻吾兩君不相好百姓何罪今之還師而佚晉穀梁傳績功也功事也日其事敗也

**胡傳**

戰而言及主乎是戰者也按左氏晉師救鄭經既不以救鄭書矣又不言

楚晉戰于泜而楚能討之何也陳人弑君晉不討泜而楚能討之何也陳人弑君師與鄭平矣而又與之戰則非觀釁之師也故釋楚不取而使晉主之獨與常詞異乎按泜之役六卿並在大夫司馬皆具官不欲勦民者三帥也違命濟師者先穀也

○若士會來書知莊子趨莊子是也

○行辟太辟刑也○漢馬謖遠詣葛亮節度而敗於張郃亮收謖下獄殺之則其法也

秋七月

而獨罪林父何也。專無二上，定于一也。古者仗鉞臨戎，專制閫外。雖君令有所不受，况其屬乎。樂書救鄭軍帥之欲戰者，八人武子遂還，衆不敢逼。偃陽之舉，句偃二將皆請班師，荀瑩令曰：「七日不克，必爾。」取之遂下。偃陽林父既知無及於鄭馬，用之矣。諸師又皆信然，其策先殺若獨以中軍佐濟者下。今三軍無得妄動，拔軍法而行辟。夫豈不可，既不能令，乃畏失屬亡師之罪而從韓獻子分惡之言。知難而冒進，是棄晉師於誰責乎。故後誅先殺，不夫其官。此稱敗績，特以林父主之也。

附錄

左傳鄭伯許男如楚。○秋晉師歸，桓子請死，晉侯欲許之。士貞子諫曰：「不可。城濮之役，晉師三日穀，文公猶有憂色。左右曰：『有善而憂，如有憂而喜乎。』公曰：『得』

臣猶在，憂未歇也。○既獸猶闕，况猶相乎。及楚殺子主，公喜而後可知也。曰：「莫余毒也。」是晉再克而楚再敗也。楚是以再世不競。今天或者大警晉也，而又殺林父以重楚勝，其無乃大不競乎。林父之事君也，進思盡忠，退思補過，社稷之衛也。若之何殺之。夫其敗也如日月之食焉。何損於明。晉侯使復其位。

冬十有二月戊寅楚子滅蕭

左傳冬楚子伐蕭，宋華椒以蔡

人救蕭，蕭人囚熊相宜僚及公子內。王曰：「勿殺吾退蕭人殺之。」王怒，遂圍蕭。蕭潰，申公巫臣曰：「師人多寒。」王巡三軍，振而勉之。三軍之士皆如拔繯，遂傳於蕭。還無社，與司馬亦言。號申叔展，叔展曰：「有麥麴乎？」曰：「無有。」山鞠窮曰：「無河魚腹疾，奈何？」曰：「吾於晉井而拯之，叔視其井，則茅莖存焉，號而出之。」

○徐氏曰：蕭宋，蒞庸

○孟子公孫丑上篇

○易坤卦太象曰先王以建萬國親諸侯

○論語堯曰篇云與滅國繼絕世天下之民歸心焉

○同憲問篇朱註云克好勝伐自矜怨忿恨欲貪欲皆得行焉於是四者不能制之者也

○林氏曰清丘衛地○書人同盟猶曰人自為盟也書法如惠曹虜中國又無伯也

**胡傳**

假於討賊而滅陳春秋以討賊之義重也。未滅而書入惡其貳已而入鄭春秋以退師之情恕也。未滅而書圍與人為善之德宏矣。至是肆其強暴滅無罪之國其志已盈雖欲赦之不得也。故傳稱蕭潰經以滅書斷其罪也。孟子曰以力假仁者伯伯必有天國楚莊蓋以力假仁不能久假而速歸者也。建萬國親諸侯者先王之政與滅國繼絕世者仲尼之法。今乃滅人社稷而絕其祀亦不仁甚矣。蕭既滅亡必無赴者何以得書于魯史。楚莊縣陳入鄭大敗晉師于邲莫與校者不知以禮制心至於驕溢克伐怨欲皆得行焉。遂以滅蕭告赴諸侯矜其威力以恐中國耳。孟子定其功罪以五伯為三王之罪人春秋史外傳心之要典推此類求之斯得矣。

**晉人宋人衛人曹人同盟 清丘**

此大夫同盟之始

傳晉原穀宋華椒衛孔達曹人同盟于清丘。曰恤病討貳於是卿不書不實其言也。

**胡傳**

書同盟志同欲也。或以惡其反覆而始年書儀父盟蔑宋人盟宿已不實言矣。奚待清丘然後惡其反覆乎。清丘載書恤病討貳口血未乾敗其盟好所謂不待貳而惡見者也。又奚必入諸國之卿然後知反覆之可罪乎。楚既入陳圍鄭大敗晉師伐蕭滅之。憑陵中國甚矣。為諸侯討者宜信在仁賢脩明政事自強於為善則可以保其國耳。苟不是圖而刑牲敵血要質鬼神蘄以禦惡謀之不臧孰大於是。故國知敗而稱人譏失職也。原穀違命喪師乃晉國罪人而主茲盟約所信在者皆可知矣。

**宋師伐陳衛人救陳**

左傳宋為盟故伐陳衛人救之。孔達曰先君有

○已不實言矣為七年公伐邾十年伐宋敗宋師于菅故也  
○病者者明恤之撫貳者討治之  
○杜氏曰宋伐陳衛救之不討貳也楚伐宋晉不救之不恤病也所謂敗其盟好者以此  
○人陳即去年之事  
○田鄭即前春之事  
○大敗晉師即邲地之戰

○陳有弒君之亂即夏徵舒之事  
○尋復封之在十一年

○陳亦云背盟失信者雖聖人所惡然無敵加兵於人者尤聖人所當治也故宋無敵加兵於陳則不討衛之叛盟失信而以救書與之也豈與其失信哉蓋以治亂為急耳

○楚人滅蕭在去年恤民固本輕徭薄賦斯二者行仁政之本也而輕徭薄賦者又得民心之本也

○孟子梁惠王篇云君行仁政斯民親其上死其長亦此意也

○林氏曰書名以罪討

○集解云

○如趙以趙括為將與秦白起戰于上黨致四十萬人皆為趙所坑是也  
○河曲之戰在文十二年

約言焉若大國  
討我則及之

**胡傳**

陳有弒君之亂宋不能討而楚能討不貳宋不足責也宋人不能內自省德邊以大衆伐之非義舉矣衛人救陳背盟失信而以救書者見宋師非義陳未有罪而受兵為可恤也且謀國失圖妄與師旅無休息之期則亂益滋矣其以救書意在責宋也若衛叛盟則不待貳絕而惡自見矣

**丑乙**

定王十有三年 晉景四齊頃三衛穆四

宋文十五秦桓九杞桓四十八

**春齊師伐莒**

公作伐衛左傳莒恃

**夏楚子伐宋**

左傳以其救蕭也君子曰清丘之盟惟宋可以免焉

**胡傳**

楚人滅蕭將以脅宋諸侯懼而同盟為宋人討者恤民固本輕徭薄賦使民效死親其上則可以待敵矣討不出此而急於伐陳攻楚與國非策也故楚人有詞于伐而得書爵

**秋螽**

公作

**冬晉殺其大夫先穀**

穀穀作穀音同左傳

秋赤狄伐晉及清先穀召之也冬晉人討蚘之敗與清之師歸罪于先穀而殺之盡滅其族君子曰惡之來也已則取之其先穀之謂乎

**胡傳**

先穀違命大敗晉師元帥不能用鉞罪而戮之義也曷為稱國以殺而不去其官夫兵者安危所係有國之大事也將非其人則敗雖得其人使親信間之則敗以剛愎不仁者參焉而莫肯用命則敗凡此三敗君之過也河曲之戰趙穿獨出而史



○濟涇而次在襄十四年

○按史記趙括少時學兵法以天下莫能當與父奢言之奢不能難然六謂善也括母問其故奢曰兵死地也而括易言之使趙將之破趙軍必括也果然

驕之謀不用濟涇而次樂廩欲東而荀偃之令不行今林父初將中軍乃以先穀佐之使敵國謀臣知其從政者新未能行令誰之過歟故稱國以殺不去其官罪累上也

**附錄**

左傳清丘之盟晉以衛之救陳也討焉使人弗去曰罪無所歸將加而師則為政而亢大國之討將以誰任我則死之

**丙**定王十有四年 晉景五齊頃四衛穆五蔡文十七鄭襄十曹文

二十三卒陳成四杞桓四十一宋文十六秦桓十楚莊十九

**春衛殺其大夫孔達**

左傳春孔達縊而死衛人以說于晉而免遂告于諸侯曰寡君有不令之臣達構我蔽邑于大國既伏其罪矣敢告衛人以為成勞後室

○晉君用先穀佐荀林父致邲之敗衛君用孔達受盟叛而救陳致晉師之討大夫之剛復不信二國君不察而用之失也故其罪同科而不異其文以此

其子使復其位

**胡傳**

殺大夫而書名氏義不繫於專殺也孔達棄信以危社稷衛人按其罪而誅之可也何以稱國而不去其官用人謀國于犯盟主至於見討誰之過歟稱國以殺不去其官罪累上也春秋端本清源故書法如此

夏五月壬申曹伯壽卒

○晉侯伐鄭

左傳夏鄭為邲故也告于諸侯蒐焉而還中行桓子之謀也曰示之以整使謀而來鄭人懼使于張代子良于楚鄭伯如楚謀晉故也鄭以子良為有禮故召之

**胡傳**

左氏傳為邲故也此事以觀知其自見矣

○林氏曰文公卒子宣公廬立

○宋人要結盟誓即  
去年清丘之盟  
○勤民安動即去年  
伐陳之事  
○周易訟卦象辭  
○去年夏伐至此冊

○君若贅旒義見襄  
二十六年漢梁之會下  
○陪臣家臣命國命  
論語云陪臣執國命  
三世希不失矣陪臣  
如陽貨侯犯之類

○程子曰陰之始疑  
而為霜則當知陰漸  
盛而至堅冰矣猶小  
人始雖甚微不可使  
長長則至於盛矣

秋九月楚子圍宋

左傳楚子使申舟聘于齊  
曰無假道于宋亦使公子  
馮聘于晉不假道於鄭申舟以孟諸之役惡  
宋曰鄭昭宋擊晉使不害我則必死王曰殺  
女我伐之見犀而行及宋宋人止之華元曰  
過我而不假道鄙我也鄙我亡也殺其使者  
必我我伐我亦亡也亡也乃殺之楚子聞  
之投袂而起履及於室皇劍及于寢門之  
外車及于蒲胥之市秋九月楚子圍宋

**胡傳** 宋人要結盟誓欲以禦楚已非持國  
之兵特書救陳以著其罪明見伐之由也  
國必自伐然後人伐之凡事其作始也簡  
其將畢也必巨易於訟卦曰君子以作事  
謀始始而不謀必至於訟訟而不竟必至  
於師若宋是矣始謀不藏至於見伐見圍  
幾亡其國則自取之也春秋端本故  
責宋為深若蠻夷圍中國則亦明矣

葬曹文公○冬公孫歸父會齊侯于穀

左傳孫歸父會齊侯于穀見晏桓子與之言魯樂  
桓子告高宣子曰子家其亡乎懷於魯矣懷  
必貪貪必謀人謀人人亦  
謀已一國謀之何以不亡

胡傳

夫禮別嫌明微制治於未亂自天子  
出者也列國之君非王事而自相會  
聚是禮自諸侯出矣以國君而降班失列  
下與外臣會以外臣而抗尊出位上與諸  
侯會是禮自大夫出矣君若贅旒陪臣執  
命豈一朝一夕之故其所由來漸矣故易  
於坤之初六曰馴致其道至堅冰也易言  
其理春秋見諸行事若合符節可謂深切  
著明矣

附錄

左傳孟獻子言於公曰臣聞小國之  
免於大國也聘而獻物於是庭實

○林氏曰魯大夫始  
特會楚

○在前秋

○宋商之後周之先  
代也

○詩魯頌曰公徒千  
乘

○集解云聖人之意  
蓋欲自強於政治楚  
雖大何畏焉

○平書必開天下之故而平書文九年陳平不書宜十年鄭平不書信二十四年宋書  
及楚平矣不書必莊王得宋天下將有南北之勢始書之

○林氏曰流水為川  
止水為澤汙澤之水  
無不容納

○晉侯耻不救宋故  
伯宗為說小惡不負  
大德之喻

○兵法因其鄉人而  
用之必先知其宋將  
左右謁者門者舍人  
之姓名因而利道之  
華元蓋用此術故能  
夜入楚軍而登子反  
之狀

旅百朝而獻功於是容貌采章嘉淑而  
有加貨謀其不免也誅而薦賄則  
無及也矣楚在宋君其圖之公說

定王十有五年 晉景六齊頃五衛穆六  
三年 蔡文十八鄭襄十一曹

宣公廬元年陳成五杞桓四十三  
宋文十七秦桓十一楚莊二十

### 春公孫歸父會楚子于宋

**胡傳**

楚子不假道於宋以啓釁端而圍之  
陵蔑中華甚矣諸侯縱不能畏簡書  
攘夷狄存先代之後嚴兵固圍以為聲援  
猶之可也乃以周公之裔千乘之國謀其  
不免至於薦賄不亦鄙乎若此類聖人不  
徒筆之於經也此事以觀則知中國  
夷狄盛衰之由春秋經世之略矣

### 夏五月宋人及楚人平

左傳宋人使樂嬰齊  
告急于晉晉侯欲救

伯宗曰不可古以有言曰雖鞭之長不及  
馬腹天方授楚未可與爭雖晉之強能遠天  
平諺曰高下在心川澤納江河山藪藏疾瑾瑜  
匿瑕國君含垢天之道也君其待之使解揚  
如宋使無降楚曰晉師恐起將至矣禍人囚  
而獻諸楚楚子厚賂之使反其言不許三而  
許之登諸樓車使呼宋人而告之遂致其君  
命楚子將殺之使與之言曰爾既許不穀而  
反之何故非我無信女則棄之東則爾刑對  
曰臣聞之君能制命為義臣能承命為信信  
載義而行之為利謀不失利以衛社稷民之  
主也義無二信信無二命君之賂臣不知命  
也受命以出有死無貲又可賂乎臣之許君  
以成命也死而成命臣之祿也寡君有信臣  
下臣獲焉死又何求楚子舍之以歸夏五月  
楚師將去宋申犀稽首於王之馬前曰臣畏  
知死而不敵廢王命王棄言焉王不能答申  
叔時僕曰築室及耕者宋必聽命從之宋人

○民相易其子而食  
枕其骸骨而用以炊

懼使華元夜入楚師登子友之  
君使元以病告曰敝邑湯于而  
雖然城下之盟有以國斃不能  
十里唯命是聽子友懼與之盟  
十里未及楚平華元為質盟曰  
無我虐公羊傳外平不書此何  
乎已也何大乎其平已莊主圍  
日之糧爾盡此不勝將去而歸  
馬子友乘堙而闚宋城宋華元  
見之司馬子友曰子之國何如  
曰何如曰易子而食之析骸而  
反曰噫甚矣憊雖然吾聞之也  
秣之使肥者應客足何子之情  
聞之君子見人之厄則矜之小  
則幸之吾見子之君子也是以  
司馬子友曰諾勉之矣吾軍亦  
爾盡此不勝將去而歸爾揖而  
二王莊主曰何如司馬子友曰  
曰憊矣曰何如曰

○何氏曰言在下者  
說二子在君側不先  
以便宜反報歸義子  
君而生事專平故賤  
極人

○禮記禮運云人不  
愛其情是也

○善則稱君以下十  
二字此禮記坊記將  
欲正華元子友先盟  
而後告王之失故引  
此云

易子而食之析骸而炊之莊主曰噫甚矣憊  
雖然吾今取此然後而歸爾司馬子友曰不  
可臣已告之矣軍有七日之糧爾莊王怒曰  
吾使子往視之子曷為告之司馬子友曰以  
區區之宋猶有不欺人之臣可以楚而無平  
是以告之也莊主曰諾舍而止雖然吾猶取  
此然後歸爾司馬子友曰然則君請處于此  
臣請歸爾莊王曰子去我而歸吾孰與處于  
此吾亦從子而歸爾引師而去之故君子大  
其平平已也此皆大夫也其稱入何賤焉為  
賤平者在下也穀梁傳平者成也善其量力  
而反義也人者衆辭也平稱衆上下欲  
之也外平不道以吾人之存焉道之也

**胡傳**

此華元子友二國之卿其稱人何賤  
也春秋賤欺詐惡侵伐一卿不愛其  
情釋怨解紛使宋無亡國之憂楚無滅國  
之罪功亦大矣宜在所褒何以賤也善則  
稱君過則稱已則民作忠今二卿自以情

○取必於上意上之必從已而不違故先盟而後告是也  
○啖氏曰和而不盟曰平  
○三恪齊後夏後商後為三恪義見前  
○子反特為楚今尹朱子曰楚上卿執政者也  
○梁夏梁暴虐之君  
○羊舌肸也陸吳陸抗也吳志並晉書有之晉吳相敵二人對境使命當通抗遺陸酒肸飲之不疑云

○林氏曰路赤狄之別種潞氏國故林氏子爵也  
○徐夷並興見書費誓  
○獫狁孔熾見詩小雅六月篇  
○齊侯攘之見莊二十八年及傳三年齊侯桓公也  
○門庭喻魯東郊周鑄及方鄭王畿皆中國要地故為門庭是也

實私相告語取必於上以成平國之功而其君不預知焉非人臣之義也世衰道微暴行交作君有聽於臣臣有聽於子夫有聽於婦中國有聽於夷狄仲尼所為懼春秋所以作也故平以辯紛雖其所欲而惡者在下則太倫紊矣聖人明其道不計其功故褒貶如此然則臣而有安國家利社稷者尊之不可乎曰專之而可者謂境外也子反在君之側無奏報之難幾會之失奚急於平而專之若其哉或曰子反攘善則知其罪矣華元救國急難而結其情實何尤焉夫宋先代之後武王所封以備三恪橫見復偏非有可滅之罪也若以大義責之曰子為上卿不能恤小助桀為虐陸我亦保圍我城郭欲滅我社稷縱子得之何面目見中華之士乎使子反果忠楚莊果賢必為義動退師止衆結盟而反矣何必輕見情實蹈不測之險乎後世平陸效

其所為交歡邊境而議者以為非純臣也知春秋之法矣

### 六月癸卯晉師滅赤狄潞氏以潞子嬰兒歸

左傳潞子嬰兒之夫人晉景公之姊也酈舒為政而殺之又傷潞子之目晉侯欲伐之諸大夫皆曰不可酈舒有三雋才不如待後人伯宗曰必伐之狄有五罪雋才雖多何補焉不祀一也昔酒二也棄仲章而奪黎氏地三也虐我伯姬四也傷其君目五也恃其雋才而不以茂德茲益罪也後之人或者將敬奉德義以事神人而申固其命若之何待之不討有罪曰將待後後有辭而討焉母乃不可乎夫恃才與衆亡之道也商紂由之故滅天反時為災反物為妖民反德為亂亂則妖災生故文反正為之盡在狄矣晉侯從之六月癸卯晉荀息敗赤狄于曲梁辛亥滅潞酈舒奔衛衛人歸諸晉晉人殺之公羊傳

○以門庭之寇而禦之，不極其兵力，以非門庭之寇而滅之，俾無遺育，所以見其不仁之甚也。

○鄆舒赤狄之相

○先是狄奪黎侯國

○伯禽之事，脩戰具，嚴部伍，有志征守，不志於戰鬪者也。宣王之事，但曰薄伐，猶我至于太原而已，而無窮兵黷武之勢者也。齊桓公之事，楚師夜遁，楚屈完來盟而止，不聞更有追躡與夫必戰之事者也。此即雖禦之而不極其兵力，可見若夫殄滅之使，無遺育，則用兵之適，無遺育，為暴矣，不可不慎也。

潞何以稱子潞子之為善也，窮足以亡爾，雖然君子不可不記也。離于夷狄而未嘗合于中國，晉師伐之，中國不救，狄人未有是以亡也。穀梁傳：滅國有三術，中國謹日卑，國凡夷狄不日其日，路于嬰兒賢也。

**胡傳**

其稱曰謹之也。上卿為主將略，而稱見滅之罪者，著其暴也。滅而舉號及氏者，滅死社稷，比於中國而書爵者，免嬰兒之責詞也。然則懷夷狄安諸夏，非耶？徐夷並與東郊不開，伯禽征之，徹狄孔熾，侵鎬及方，宣王伐之，楚人侵鄭，近在王畿，齊侯攘之，皆門庭之寇，不可縱而莫禦者也。雖禦之亦不極其兵力，殄滅之無遺育也。今赤狄未嘗侵掠晉境，非門庭之寇而恃強暴以滅之，其不仁甚矣。春秋所以責晉而略狄也。又有異焉者，夫伐國之要，討其罪人斯止矣。按左氏：潞子，宋人，晉景公之姊也。鄆舒為政而殺之，又傷潞子之目，則鄆舒者罪之在也。為晉討者，執鄆舒，轅諸市，立於侯，安定潞子，改紀其政而返，則諸狄服，疆域安矣。今乃利狄之土，滅潞氏，以其君歸，何義乎？春秋所以責晉而略狄也。

**秦人伐晉**

左傳：秋七月，秦桓公伐晉，次于輔立，黎侯而還。及維，魏顆敗秦師于輔，杜回秦之力人也。初，魏武子有嬖妾，無子，武子疾，命顆曰：必嫁是疾，病則曰：必以爲殉。及卒，顆嫁之，曰：疾病則亂，吾從其治也。及輔氏之役，顆見老人結草以亢，杜回，杜回，顛而顛，故獲之，夜夢之，曰：余而所嫁婦人之父也。爾用先人之治命。王札子殺召伯毛伯。蘇與召氏余是以報。毛氏爭政，使王子捷殺召戴公及毛伯，衛卒立召襄公。羊傳：王札子者，何長庶之號也。穀梁傳：王札子者，當上之辭也。殺召伯毛伯，不

○王季子即十年來

○王子虎即文三年

○施陳也即詩請市朝也

言其何也。兩下相殺也。兩下相殺，不志乎春。秋此其志何也。矯王命以殺之，非忿怒相殺也。故曰以王命殺也。以王命殺，則何志焉。為天下土者，天也。繼天者，君也。君之所存者，命也。為人臣而侵其君之命，而用之，是不臣也。為人君而失其命，是不君也。君不君，臣不臣，此天下所以傾也。

**胡傳**

王臣有書，卒而言，子者，王季子是也。有書子而繫名者，王子虎是也。此稱王札子者，穀梁以為當上之詞也。其為當上之詞者，矯王命以殺之也。為天下土者，天也。繼天者，君也。君之所司者，命也。為人臣而侵其君之命，則不臣。為人君而假其臣以命，則不君。君不君，臣不臣，天下所以傾也。邢侯專殺雍子於朝，叔向以殺人不忌為賊，請施邢侯。君子以為義，玉札子之罪當服此刑，而天王不能施之，無政刑矣。何以保其國而不替乎。

**附錄**

左傳晉侯賞桓子狄臣千室，亦賞士也。微子吾喪伯氏矣。羊舌職說：是賞也。曰周書所謂庸庸，祗祗者，謂此物也。夫士伯庸，由行伯君信之，亦庸士伯此之謂明德矣。文王所以造周，不是過也。故詩曰：陳錫載周，能施也。率是道也。其何不齊。晉侯使趙盾獻狄俘于周，不敬。劉康公曰：不及十年，原叔必有大咎。天奪之魄矣。

**秋螽**

**胡傳**

人事感於此，則物變應於彼。宣公為會聘，問賂遺之末，而不知務其本者，故厲氣應之。六年螽，七年旱，十年大水，十有三年又螽。十有五年復螽。府庫匱，倉廩竭，調度不給，而言利剋民之事起矣。

○此數事效於十八年之內，亦見其下書初稅畝是其事也。

○林氏曰無婁杞邑

集解云

○此文義與十四年穀之會傳同

○周安王十六年命田租為諸侯二十三年姜氏遂絕

○何氏曰宣公無意信於民民不肯盡力於公田故履踐按行擇其善畝穀最好者稅取之

仲孫夢會齊高固于無婁公作車婁

**胡傳**禮之始失也。諸侯非王事而自相會。侯與大夫會。又無以正之。然後大夫與大夫會。禮亦不自諸侯出矣。田氏篡齊。六卿分晉。三家專魯。理固然也。不能辨於早。雖欲正之。其將能乎。

**初稅畝**左傳非禮也。穀出。不過藉以豐財也。而稅也。初稅畝。何以書。譏何。譏爾。譏始履畝而稅也。何。譏乎始履畝而稅也。古者什一而籍。什一者。天下之中正也。古者曷為什一而籍。什一者。天下之中正也。多。于什一。大桀。小桀。寡。乎什一。大貉。小貉。什一者。天下之中正也。什一。行而頌聲作矣。穀

梁傳初者始也。古者什一。籍而不稅。初稅畝。非正也。古者三百步為里。名曰井田。井田者。九百畝。公田居一。私田稼不善。則非吏。公田

○集解云助法是十分而取其一。稅畝則每畝而取其一。此助法又加於一倍矣。

稼不善。則非民。初稅畝者。非公之去。公田而履畝。士取一也。以公之與民為已。悉矣。古者公田為居。井窰。葱韭盡取焉。

○孟子公務丘上篇。文。朱子曰。但使出力。以助耕公田。而不復稅其私田也。

○孟子滕文公篇云。徹者徹也。助者藉也。

云。委。見朱子註。

○詩周頌噫嘻篇。

○同。大田篇。

○何氏曰。頌聲者。太平歌頌之聲。帝王之

**胡傳**孟子曰。耕者助而不稅。則天下之農。皆悅。而願耕於其野矣。書初稅畝者。助者藉也。周因其法為徹。徹者通也。其實皆什一也。上者上下相親。上之於下。則曰駿發爾私。終三十里。惟恐民食之不給也。下之於上。則曰雨我公田。遂及我私。惟恐公田之不善也。故助法行。而頌聲作矣。世衰。道微。上下交惡。民惟私家之利。而不竭。力以奉公。上惟却賦之入。而不惻恤。以利。下。水草凶災。相繼而起。公田之入薄矣。所以廢助法。而稅畝乎。初者志變法之始也。其後作丘甲。用田賦。至於二。猶不足。則皆宣公啓之也。故曰作法於涼。其弊徇貪。作



○何氏曰凡春秋記災未有言生者蠧之

言緣也緣宜公稅畝

○重賦即稅畝是也

○其見襄二十五年

法於貪弊將若何有國家者必欲

冬蠧生其言蠧生何蠧生不書此何以書幸

也幸之者何猶曰受之云爾受之云爾者何上變方易常應是而有天災其諸則宜於此焉變矣穀梁傳蠧非災也其曰蠧非稅畝之災也

胡傳始生曰蠧既大曰蠹秋蠹未息冬又

急民事謹天災仁人之心王者之務也遇天災而不懼忽民事而不脩而又為繁政重賦以感之國之危無日矣

饑左傳蠧生

胡傳春秋饑歲多矣書于經者三而宣八年獨有其一何也古者三年耕餘一年之蓄九年耕餘三年之食雖有凶旱民無

○說見莊二十八年菜色者穀不熟而食菜之病也有救急之病則民不食菜無是色矣與王制通

菜色是歲雖多蠶而遽至於饑者宣公為國務華去實虛內事外煩於朝會聘問賂遺之末而不敦其本府庫竭矣倉廩匱矣水旱蠶蠧天降饑饉亦無以振業貧之矣經所以獨兩書饑以示後世為國之不可不敦本也

戊定王十有六年晉景七齊頃六衛穆七

宣二陳成六杞桓四十四宋文十八秦桓十二楚莊二十一

春王正月晉人滅赤狄甲氏及留吁左傳春

師師滅赤狄甲氏及留吁鐸辰二月獻狄俘晉侯請于王戊申以散晷命士會將中軍且為大傅於是晉國之盜逃奔于秦羊舌職曰吾聞之禹稱善人不善人遠此之謂也夫詩曰戰戰兢兢如臨深淵如履薄冰善人在上也善人在上則國無幸民諺曰民之多幸國

○林氏曰甲氏留吁赤狄別種晉既滅鐸氏今又並盡其餘黨鐸辰不書者留吁之屬也

○言此篇云鐵厥  
集魁習從因治亦足  
此意也

○何氏曰後周分為  
二天下所名為東周  
名為成周者本成王  
所定名天下初號之  
云不宣官周宣王之  
廟也至此不毀者有  
中興之功室有東西  
廂曰庫無東西廟有  
室曰寢無室曰榭

之不幸也是無  
善人之謂也

**胡傳** 按左氏董是役者士會也。上將主兵。其殘邑也。春秋於夷狄攘斥之。不使亂中。夏則止矣。伯禽征徐夷東郊既開而止。宣王伐徽從。至于太原而止。武侯征戎瀘。服其渠帥而止。必欲盡殄滅之。無遺種。豈仁人之心。王者之事乎。士會所以敗而稱入也。

**夏成周宣榭火** 榭公作榭火。公穀作災。左傳火曰災。公羊傳成周者何。惠周也。宣榭者何。宣宮之榭也。何言乎成周。宣榭災。樂器藏焉。爾成周。宣榭災。何以書。記災也。外災不書。此何以書。新周也。穀梁傳周災不志也。其曰宣榭何也。以樂器之所藏。目之也。

○呂太臨蓋由人二  
程問弟

○陳哲云若以林氏  
之言為講武屋則不  
應命。邢敦在此。今以  
正命。邢敦則知其為  
宣王廟矣。  
○即去年王札子殺  
召伯毛伯之事。  
○人火曰天火。曰

○瓊衛風篇名小序  
曰刺時也云云  
○中谷有推。王風篇

**胡傳** 成周天子之東都。宣榭宣王之廟也。按呂太臨考古圖有邢敦者。稱王格。于宣榭。呼內史策命。邢是知宣榭者。宣王之廟也。古者爵有德祿有功。必於太廟。示不敢專也。榭者射堂之制。其堂無室。以便射事。故凡無室者皆謂之榭。宣王之廟。謂之榭者。其廟制如榭也。宣榭火。何以書。以宗廟之重。書之也。貴戚擅殺大臣。而天子不討。王室不復。能中興矣。人火之天。所以見戒乎。

**秋郊伯姬來歸** 左傳出也。按左氏。郊伯姬來歸。出也。內女出。書之。禮廢。則夫婦之道苦。淫辭之罪多矣。後相棄背喪。其配耦。氓詩所以刺衛。日以衰薄。室家相棄。中谷有推。所以刺周。易叙咸恒。為下經首。春秋內女出。夫歸。凡男

名小庠曰閔周也夫  
婦日以衰薄凶年飢  
饑家室相棄尔  
○天地萬物之本未  
婦人倫之始所以  
經首乾坤下經首成  
而繼以恒也

○荐青薦連年不熟

○人所罕見故以為

○奇特之事故以為

○是百穀順成故以

為瑞

女之際詳書于策所以正  
人倫之本也其旨微矣

**附錄** 蘇奔晉晉人復之○冬晉侯使士會

平王室定王享之原襄公相禮穀武子

穆問其故王開之召武子曰季氏而弗聞

乎王室之禮也武子歸而講

冬大有年 穀梁傳五穀大

**胡傳** 程氏曰大有年記異也旱乾水溢饑

者異也景星甘露醴泉芝草百穀順成者

祥也大有年上瑞矣何以為記異乎凡

異慶祥皆人為所感而天以其類應之者

也人事順於下則天氣和於上宜公弒立

逆理亂倫水旱螽蝗饑饉之變相繼而作

○十年大水七年太旱六年秋螽十五年秋又螽其父嫁生十年飢十五年

又飢

○桓公宣公緣此二

公弒而得國以有罪

為異而特書耳

○林氏曰昭公卒靈

公立

○文公卒子景使固

立

○集解云庚子丁未

日也錫我與車名也

○獨厚於齊如身自

奔喪又使賈紳會葬

是也

史不絕書宜也獨於是冬乃大有年所以  
為異乎夫有年大有年一耳古史書之則  
為祥仲尼筆之則為異此言外  
微旨非聖人莫能脩之者也

**巴** 定王十五年 十有七年 晉景八齊頃七衛穆八

曹宣三陳成七杞桓四十五宋

文十九秦桓十三楚莊二十二

春王正月庚子許男錫我卒 昭公也在位三

十年子籛嗣是

丁未蔡侯申卒夏葬許昭公葬蔡文公

**胡傳** 曰卒書名赴而得禮記之詳也葬而

忠信誠懇之心計利而不知禮義邦交之

實哀死送終獨厚於齊而利害不切其身

者皆闕如也大則薄其君親次則忽於盟

主又其次若秦若衛若滕雖來告赴急於

禮而不會也。此以事以觀義自見矣。

○九年晉成公卒于

○四年秦伯卒九年衛侯滕子卒皆不書葬

○林氏曰斷道晉地同盟至新城而再見斷道之後不曰同盟者寡矣

六月癸卯日有食之○巳未公會晉侯衛侯曹伯邾子同盟于斷道斷音短左傳春晉侯使郤克徵會于齊齊侯使欽

頃公帷婦人使觀之郤子登婦人笑于房獻歸使欽京廬待命于齊曰不得齊事無復命矣郤子至請伐齊晉侯弗許請以其私屬又弗許齊侯使高固晏弱蔡朝南郭偃會及欽孟高固逃歸夏會于斷道計貳也盟于卷楚辭齊人晉人執晏弱于野主執蔡朝于原執南郭偃于温苗賁皇使見晏桓子歸言于晉侯曰夫晏子何罪昔者諸侯事吾先君皆如不逮與言群臣不信諸侯皆有貳志齊君恐不得禮故不出而使四子來左右或沮之曰君不出必執吾使故高子及欽孟而逃夫二

○謂晉使郤獻子徵會于齊齊頃公母蕭同叔子笑之獻子怒故會諸侯伐齊左傳云會于斷道計貳也正謂齊也而殺梁以為同外楚非矣

子者曰若總君好寧歸死焉為是犯難而來吾若善遊彼以懷來者吾又執之以信齊沮吾不既過矣乎避而不改而又久之以成其悔何利之有焉使反者得辭而害來者以懼諸侯將馬用之晉人緩之逸穀

胡傳書同盟者志同欲也大國率之小國國勉強而應馬非同欲也若斷道之盟諸侯同心謀欲伐齊釋其憤怒非有不得已而要之者也或以為會同天子之事築官為壇設方明如方嶽之盟故書同盟疑其說之誤矣

○儀禮云諸侯觀于天子燕宮方三百步四加方明于其上○朱子曰四時朝觀受之於廡此謂時會教同也○疏曰合木為上下四方故名方此則神明之象故名明即所謂司慎司盟也

附錄左傳秋八月晉師還○范武子將老鮮易者實多詩曰君子如怒亂庶遄已君子如社亂庶遄已君子之喜怒以已亂也

○范氏曰宣公殺子赤叔序非竟之

○孰法也不軌謂為不法之事者

○何氏曰禮盛德之士不名天子大夫也蓋亦以其貴與賢而論也

○齊年齊僖公弟鄭語鄭厲公弟  
○隱公七年桓公三年齊年來聘桓公十年齊鄭語來盟  
○季友在僖公時仲遂在文宣之時  
○元年公子遂如齊九年仲孫蔑如京師十年季孫行父如齊公孫歸父如齊是也

弗已者必益之。卻子其或者欲已亂於齊乎。不然余懼其益之也。余將老使卻子選其志庶有彩乎。爾從。二二子。唯敬乃請老。卻獻子為政。

秋公至自會。冬十有一月壬午公弟叔肸

卒。詳乙友。左傳公母弟也。凡太子之母弟公在曰公子。不在曰弟。凡稱弟皆在弟也。

穀梁傳其曰公弟叔序賢之也。其賢之仲也。宣弒而非之也。非之則胡為不去也。曰兄弟也何去而之與之財則曰我足矣。織履而食終身不食宣公之食。君子以是為通恩也。以我貴乎。

春秋胡傳稱弟得弟道也。稱字賢也。何賢乎。叔也。兄弟無絕道。故雖非之而不去也。與之財則曰我足矣。終身不食宣公之食。君子財則曰我足矣。終身不食宣公之食。君子

以是為通恩也。論情可以明親親言義可以厲不軌所以取貴乎。春秋書曰公弟而稱字以表之也。公子為正大夫而書卒貴也。不為大夫而特書卒賢也。或以為叔脫寵弟在宣公有私親之愛故生而賜氏。俾世其卿與季友仲遂比則其說誤矣。誠使叔序有寵生而賜氏。則是貴戚用事之卿豈有不見於經者。齊年鄭語在外之見於經者。季友仲遂在內之見於經者。勢必與聞政事執國命矣。况宣公之時煩於聘問會朝之禮。遂蔑季孫歸父交於鄰國衆矣。而獨叔序不與焉。其非生而賜氏俾世其卿亦明矣。

定王十有八年。晉景九齊頃入。衛穆九年。蔡景公固元年。鄭襄十

文二十。秦桓十四。楚莊二十三卒。

○集解云如帷婦人觀者致欲獻子之怒易曰負且乘致寇至是也  
○謂卻獻子聞婦人之笑而誓曰誓不報此無能涉河之語

○林氏曰自是不書君將征伐在大夫也  
○宣公而下征伐在大夫是故自伐取釋凡取皆不書其人自伐犯凡伐皆不書公

○何氏曰支解節斷之故殺言戕賊殘賊惡無道也言于郕者刺郕無守備  
○范氏曰于縉惡其臣子不能拒難  
○會長夷狄之尊稱  
○唐書云唐玄宗開元四年突厥默啜自則夫時世為中國患朝廷肝食傾天下之力不能克郝靈荃獨得其首是其然也  
○執郕子屈之在僖十九年

○林氏曰莊王卒于  
○何氏曰旅即莊王也葬從臣子皆當稱王故絕其葬明當誅

春晉侯衛世子臧伐齊左傳晉侯衛太子臧伐齊至于陽穀齊侯

會晉侯盟于縉以公子彊為質于晉晉師還蔡朝南郭偃逃歸

**胡傳**

禮自已致寇所謂國必自伐而後人伐之矣諸侯上卿皆執國命取必於其君以行其克伐然欲之私故盟于斷道師于陽穀大戰于鞞逞其志而後止春秋詳書于策見伐與伐者之罪皆可以為鑒矣

公伐杞 ○夏四月

**附錄**

左傳夏公使如楚  
乞師欲以伐齊

秋七月邾人戕郕子于郕戕音牆郕穀作繪左傳凡自虐其君

日弑自外曰戕公羊傳戕猶殘也抗殺也

**胡傳**

戕者殘賊而殺之也于郕者刺臣子不能救君難也夷貉無城郭宮室百官有司單車使者直造其廬帳虜其酋長者則有之矣中國則重門擊柝廉陛等威侍衛守禦之嚴矣至於坐使其君為邾人殘賊殺之而莫禦乎邾人蓋嘗執郕子用之則不共戴天之世讐也既不能復又使邾人得造其國都而戕殺其君曰于郕者所以深責郕之臣子至此極也

甲戌楚子旅卒旅穀作呂楚始書卒左傳楚

師楚於是乎有蜀之役公羊傳何以不書葬吳楚之君不書葬辟其號也穀梁傳夷狄不卒卒少之也卒而不日日少進也日而不言正不正簡之也

**胡傳**

楚僭稱王降而稱子者是仲尼筆之也其不書葬者恐民之惑而避其號

賢行  
○若杞僖二十三年  
稱子  
○見曲禮註

○即卻克與歸父是也  
○與國晉也大家三桓也

○與國晉也大家三桓也  
○即卻克與歸父是也

○何氏曰埽地曰埽  
○埽者謂也故惟重形  
○謂埽地也禮必踊者  
○如嬰兒之慕母矣主  
○事者善其不以家見  
○逐怨懟成踊哭君終  
○臣子之道起時莫能  
○然也

是仲尼削之也。若楚若吳若徐皆自王降而稱子。若滕自侯降而稱子。若杞自伯降而稱子。四夷雖大皆曰子。其降而稱子者欲之也。或謂春秋不擅進退諸侯亂名實則非矣。迷天理正人倫此名實所由定也。奚名為亂哉。

公孫歸父如晉  
左傳公孫歸父以襄仲之立室與公謀而聘于晉欲以晉人去之

胡傳  
宣公因齊得國故刻意事之。雖易世猶未怠也。及頃公不能謹禮怒晉魯上卿而卻克當國決策討之。晉方強盛齊少懦矣於是昔齊而事晉其於邦交以利為向背無忠信誠懇之心者也。按左氏歸父欲去三桓以張公室與公謀而聘於晉欲以晉人去之夫輕於背與國易於謀不家而不知其本未有能成而無悔也。然則

○與國晉也大家三桓也  
○即卻克與歸父是也

公室不可張乎務引其君當道正心以正朝廷禮樂刑政自巳出也其庶幾乎必欲倚外援以去之是去亦瘍而得腹心之疾也庸愈哉

冬十月壬戌公薨于路寢  
穀梁傳歸父還自

晉至筮遂奔齊  
左傳冬公薨於路寢

庶以夫大援者仲也夫臧宣叔怒曰當其時不能治也後之人何罪子欲去之許請去之遂逐東門氏子家還及筮壇惟復命於介既復命袒括髮即位哭三踊而出遂奔齊書曰歸父還自晉善之也公羊傳還者何善辭也何善爾歸父使於晉還自晉至極聞君薨家遣埽帷哭君成踊反命乎介自是走之齊梁傳還者事未畢也自晉事畢也與人之子守其父之殯捐殯而奔其父之使者是以奔父也遂繼事也

○論語朱註委見

○夷羊五見成公十

七年

○儀禮聘禮有之

○朱子曰復命于殯者

○東門氏即婦父也

○義仲居東門故為東

○方寸者心也

○無異

**胡傳**

仲尼稱孟莊子之孝其不改父之臣與父之道可謂孝矣夫仁人孝子於其父之臣非有大不可如晉悼公於夷羊五之屬必存始終進退之禮而不遽也歸父以君命出使未反而君薨在聘禮有執圭復命于殯之文升自西階子臣皆哭情亦戚矣今宣公猶未殯而東門氏逐忍乎哉書曰歸父還自晉者已畢事之詞也至筮遂奔齊者罪成公君臣死君而忘父逐之亟也穀梁子曰捐殯而奔其父之使者是亦奔父也得經意矣君薨家遣方寸宜亦亂而造次顛沛不失禮焉悲志於仁者弗能也詞繁而不殺歸父之善自著矣此事以觀則見當國者有無君之心此春秋所以作不可不察也

春秋四傳卷之二十一

春秋四傳卷之二十一



